


পাক্ষিক

ঈদ সংখ্যা

ان الدين عند الله الاسلام

ঈদ



“মানব জাতির জন্য জগতে আজ
হুজরান ব্যতিরেকে আর কোন বর্ষিবৃদ্ধ
নাই এবং আদম সন্তানের জন্য বর্তমানে
মোহাম্মাদ মোস্তফা (সাঃ) ঈদ কোন
রসুল ও শেফায়াতকারী নাই। অতএব
তোমরা সেই মহা গৌরব-সম্পন্ন নবীর
সহিত প্রেমসঙ্গে আবদ্ধ হইতে চেষ্টা কর
এবং অন্য কাহাকেও তাঁহার উপর কোন
প্রকারের শ্রেষ্ঠত্ব প্রদান করিও না।”
—হযরত মসীহ মওউদ (আঃ)

সম্পাদক :— এ, এইচ, মুহাম্মাদ আলী আনওয়ার

নব পর্যায়ের ৩০শ বর্ষ : ৯ম ও ১০ম সংখ্যা

২৯ শে ভাদ্র : ১৩৮৩ বাংলা : ১৫ই সেপ্টেম্বর, ১৯৭৬ ইং : ১৯ শে রমজান ১৩৯৬ হিঃ
বার্ষিক টাঙ্গা : বাংলাদেশ ও ভারত : ১৫.০০ টাকা : অন্যান্য দেশ : ২ পাউণ্ড

সূচীপত্র

পাশ্চিক

৩০শ বর্ষ

আহুন্দী

৯ম ও ১০ম সংখ্যা

বিষয়

লেখক

পৃ:

- | | | |
|---|--|----|
| ○ আল-কুরআন : | মূল : হযরত খলিফাতুল মসীহ সানী (রাঃ) | ১ |
| সূরা আল-মাতিনের তফসীর | ভাবানুবাদ : মৌঃ মোহাম্মাদ, আমীর বাঃ আঃ আঃ | |
| ○ হাদিস শরীফ : সদায়ে-জু-জাহান | অনুবাদ : এ, এইচ, এম, আলী আনওয়ার | ১০ |
| খাতামানাবিয়ীন (সাঃ)-এর প্রসংশা—২ | | |
| ○ অমৃতবাণী : রোযা রাখার পুরস্কার | হযরত ইমাম মাহুদী মসীহ মওউদ (আঃ) | ১১ |
| ○ ঈছুল ফিত্রের খোৎবা : | হযরত মুসলেহ্ মওউদ খলিফাতুল মসীহ সানী (রাঃ) | |
| সত্যাকার ঈদ পালনের তিনটি উপলক্ষ্য | অনুবাদ : মৌঃ মোহাম্মাদ, আমীর বাঃ আঃ আঃ | ১৩ |
| ○ হযরত ইমাম মাহুদী (আঃ)-এর সত্যতা | মূল : হযরত খলিফাতুল মসীহ সানী (রাঃ) | ২২ |
| | অনুবাদ : মোহাম্মাদ খলিলুর রহমান | |
| ○ খোদাম ও আতফালের পাতা (৩) | বাংলাদেশ মঞ্জলিস খোদামুল আহুন্দীয়া | ২৬ |
| ○ সংবাদ : | আহমদ সাদেক মাহমুদ | ৩০ |
| ○ ওয়াশিংটনে ছজুর (আইঃ)-এর | আহমদ সাদেক মাহমুদ | ৩৩ |
| নাংবাদিক মশ্বেলন | | |
| ○ বিভিন্ন সংবাদ : | শাহ্ মুস্তাফিজুর রহমান | ৩৭ |
| ○ সাদকাতুল-ফিত্র বা ফিত্রানা এবং ঈদ ফাও | | ৪০ |

بِسْمِ اللَّهِ الرَّحْمَنِ الرَّحِيمِ

بِسْمِ اللَّهِ الرَّحْمَنِ الرَّحِيمِ

بِسْمِ اللَّهِ الرَّحْمَنِ الرَّحِيمِ

পাফিক

আ হ ম দী

ছন্দ সংখ্যা

নব পর্যায়ের ৩০শ বর্ষ : ২ম ও ১০ম সংখ্যা

৩০শে ভাদ্র, ১৩৮৩ বাং : ১৫ই সেপ্টেম্বর ১৯৭৬ ইং : ১৫ই যজ্বর, ১৩৫৫ হিজরী শামসী

তফসীরুল কুরআন

সূরা আল-মাউন

(পূর্ব প্রকাশিতের পর)

মূল : হযরত মুসলেহ্ মওউদ খালফাতুল মসীহ্ সানী (রাঃ);

ভাবানুবাদ : মোহতারম মৌঃ মোহাম্মাদ, আমীর বাঃ আঃ আঃ।

○ الذي يدع اليه من يذالك সেই ব্যক্তিই এতীমকে ধিক্কার দেয়।

পূর্ববর্তী আয়াতে উত্থাপিত প্রশ্নের জবাবে এই আয়াতে বলা হইয়াছে যে, দীনকে যে অস্বীকার করে, সেই এতীমকে ধিক্কার দেয়। পূর্ববর্তী আয়াতে জিজ্ঞাসিত ব্যক্তি কোন বিশেষ এক ব্যক্তিকে বা হযরত রশূল করীম (সাঃ)-কে বুঝায় নাই, বং পবিত্র কুরআনের প্রত্যেক পাঠককে উদ্দেশ্য করিয়া দীনের অস্বীকারকারীর পরিচয় ব্যক্ত করা হইয়াছে। পবিত্র কুরআনে কোন কোন আয়াত সোজা হয় ত রশূল করীম (সাঃ)-কে সম্বোধন করিয়া বলা হইলেও বিষয়বস্তু তাঁগকে লক্ষ্য করিয়া বলা হয় নাই, বরং সকল মুসলমানকে উদ্দেশ্য করিয়া বলা হইয়াছে। যথা لا تقبل لهما افا ولا لا تقبل لهما افا وقل لهما قولا كريما ○ অর্থাৎ “হে মোহাম্মদ (সাঃ) ! তুমি তোমার পিতামাতা বৃদ্ধ হইলে, তাহাদিগের প্রতি বিরক্ত হইয়া আহ পর্যন্ত বলিও না এবং তাহাদিগকে ধমক দিও না, বরং তাহাদিগকে মধুর ভাষণে সম্বোধন কর।” সুস্পষ্টতঃ এই আয়াতের লক্ষ্যস্থল হয়ত রশূল করীম (সাঃ) নহেন। কারণ জন্মের পূর্বে তাঁহার পিতা মারা যান এবং শৈশবে তাঁহার মাতা মারা যান। এক বচনে সম্বোধন থাকায়, উক্ত আয়াত প্রত্যেক পাঠক মুসলমানকে ব্যক্তিগতভাবে লক্ষ্য করিয়া বলা হইয়াছে। এটভাবে এক বচনের সম্বোধন বিষয়টির গুরুত্বকে বহুগুণে বাড়াইয়া দিয়াছে। উক্ত আয়াতে বহু বচন ব্যবহার হইলে

বিষয়টির গুরুত্ব কমিয়া যাইত। সাধারণতঃ মানুষ বৃদ্ধ হইলে মেজাজ খারাপ হইয়া যায়। আল্লাহুতায়ালার উক্ত আয়াতে এই শিক্ষাই দিয়াছেন যে, উক্তরূপ অবস্থাতেও পিতামাতার প্রতি কোনরূপ দুর্ব্যবহার করা চলিবে না। প্রত্যেক ব্যক্তির দৃষ্টি আকর্ষণের জন্য উক্ত উপদেশ মধ্যম পুরুষ এক বচনে দেওয়া হইয়াছে।

মোট কথা পূর্বে আমরা যেভাবে আলোচনা করিয়া আসিয়াছি যে, যে ব্যক্তি দীনকে অস্বীকার করিবে সে নানাবিধ পাপে লিপ্ত হইবে, কার্যতঃ আজ সারা দুনিয়ার তাহা পরিদৃষ্ট হইতেছে। দীনের অস্বীকারের ফলে সারা দুনিয়া গ্লানিতে ভরিয়া গিয়াছে। এতীমকে দূর দূর ছি ছি করা ও তাহার সহিত মন্দ ব্যবহার আল্লাহুতায়ালার দৃষ্টিতে সর্বাপেক্ষা নিকৃষ্ট আচরণ। আল্লাহুতায়ালার কুরআন পাকে বদিয়াছেন : **فَاِذَا مَا الْاِيْتِيْمِ فَلَا تُنْهَرُ** “এতীমের প্রতি রুষ্ট ব্যবহার করিও না।” (সূরা ছহা)। পবিত্র কুরআনে যেখানে যেখানে এতীমের উল্লেখ আসিয়াছে সেইখানে তাহাদিগকে তিরস্কার না করার এবং তাহাদিগের প্রতি রুষ্ট ব্যবহার না করার আদেশ আসিয়াছে। ইহাতে লোকে প্রশ্ন তুলিয়াছে যে, এইরূপ আদেশ কি-হযরত রসূল করীম (সাঃ)-এর স্বয়ং এতীম হওয়ার প্রতিক্রিয়ার ফল। যাহারা কুরআন মজিদকে হযরত রসূল করীম (সাঃ)-এর অন্তরের ধ্বনী মনে করে, তাহারাই এই প্রশ্ন উঠাইয়াছে। ইহারাই দুই শ্রেণীতে বিভক্ত। একদল মুসলমান এবং অপর দল হইল অমুসলমান। মুসলমান দল বলিয়া থাকে, যোহতু আঁ-হযরত (সাঃ)-এর চিত্ত পবিত্র ও নির্মল ছিল, সেই জন্য যখন তিনি দুনিয়ার গ্লানি দেখিলেন, তখন তাঁহার মর্ম ব্যথিত হইয়া উঠিল, হৃদয়ে এক উদ্দীপনার সৃষ্টি হইল এবং তিনি উহার বিরুদ্ধে প্রতিবাদ ধ্বনী তুলিলেন। আঁ হযরত (সাঃ)-এর পবিত্র হৃদয় হইতে উথিত এই ধ্বনীই আল্লাহুতায়ালার আওয়ায ছিল। পক্ষান্তরে অমুসলমান দলের কথা হইল, হযরত মোহাম্মদ (সাঃ) অত্যন্ত মেধাবী এবং হুঁশিয়ার পুরুষ ছিলেন। যখন তিনি দুনিয়াকে উৎপীড়ন, গ্লানি ও পাপে পরিপূর্ণ দেখিলেন, তখন তাঁহার মনে উহার প্রতিক্রিয়ার সৃষ্টি হইল, ফলে তিনি যে সকল কথা বলেন, উহাই কুরআন করীম। কিন্তু নউযুবিল্লাহ তিনি অজ্ঞতারবশতঃ উহাকেই খোদার কালাম মনে করিয়া বলেন যে এ গুলি খোদার নিকট হইতে ইলহাম রূপে আমার উপর নাযেল হইয়াছে। প্রকৃতপক্ষে ইলহাম ইত্যাদি কিছুই তাঁহার উপর নাযেল হয় নাই। যেহেতু তাঁহার আত্মা পবিত্র ছিল, সেই জন্য উহা হইতে কেবল ভাল কথাই সৃষ্ট হইত। ইহাকেই তিনি খোদার তরফ হইতে বলিয়া মনে করিতেন এই প্রকার যুক্তিমূলে প্রশ্নকারী-দলের আপত্তি এই যে, এতীম সম্পর্কিত পুনঃ পুনঃ সতর্কবাণী ও আদেশাবলী

তাঁহার এতীম মনের প্রতিক্রিয়া তো নহে? প্রত্যেক কাজের একটা প্রতিক্রিয়া আছে। ইহার ফলে মানুষ কখনও উহার বিপরীত কাজ করে, আবার কখনও উহার অনুরূপ কাজ করে। কতক লোক আছে যাহারা অনেককে যুলুম করিতে দেখিয়া, তাহারাও পরিবেশের প্রভাবে যুলুম করিতে আরম্ভ করিয়া দেয়। তাহাদের মনে প্রতিক্রিয়ার ধারা হইল এই যে, তাহারা যালেমদের বিরুদ্ধে প্রতিশোধ লইতেছে। পক্ষান্তরে এরূপও হয় যে, যুলুম দেখিয়া কতক লোকের মনে ইনসাফের রূহ সৃষ্টি হইয়া যায়। যুলুমের বিরুদ্ধে তাহাদের মনে উদ্দীপনার সৃষ্টি হয় এবং উহার বিরুদ্ধে তাহারা সর্বপ্রকার কুরবানী পেশ করিতে প্রস্তুত হইয়া যায়। সুতরাং মনস্তত্ত্বের নিয়মের দিক দিয়া মানুষের মনে কোন কাজের যে প্রতিক্রিয়ার সৃষ্টি হয়, উহা কখনও মূল কাজের অনুরূপ হয় অথবা বিপরীত হয়। আপত্তিকারীগণের বক্তব্য এই যে, হযরত রসুল করীম (সাঃ)-এর মনে ধারণা হইয়াছিল যে, তিনি এতীম হওয়ার কারণে লোকে তাঁহার উপর যুলুম করিয়াছিল। ইহারই ফলশ্রুতিতে তিনি এতীমগণের প্রতি যত্ন করিবার শিক্ষা দেন। আপত্তিকারীগণের মতে এগুলি খোদার কালাম নহে বরং তাঁহার এতীম হওয়ার মানসিক প্রতিক্রিয়ার আওয়ায। তাঁহার মনে এই যুলুমের প্রতিশোধ লইতে চাহিল এবং তাঁহার মনে উদ্দীপনার সৃষ্টি হইল। তিনি দেখিলেন তাঁহার ছায় আরও বহু এতীম আছে, যাহারা যুলুমের শিকার হইয়া আছে। তাহাদিগকে বিভিন্ন প্রকারে উৎপীড়ন করা হয় এবং বহুবিধ কষ্ট দেওয়া হয়। ইহা দেখিয়া তিনি মনস্থির করেন যে, তিনি ইহার প্রতিশোধ লইবেন, তিনি যালেমদিগকে অভিযুক্ত করিবেন, তাহাদের কীৰ্ত্তি প্রকাশ করিয়া দিবেন এবং এতীমদিগকে সাহায্য করিবেন। তদনুযায়ী তাঁহার মনে উদ্দীপনার সৃষ্টি হইল এবং তাঁহার পবিত্র অন্তর হইতে স্বাভাবিক-ভাবে এক আওয়ায নির্গত হইল, যাহাকে তিনি নউযুবিল্লাহ অজ্ঞতাবশতঃ ইলহাম মনে করিলেন।

বস্তুতঃ এ কথা মোটেই সত্য নহে যে, কুরআন করীম আ-হযরত (সাঃ)-এর অন্তরের আওয়ায এবং ইহাও সত্য নহে যে, তাঁহার শিক্ষা তাঁহার মনের উপর যুগ-প্রাণির প্রতিক্রিয়া-স্বর্ণী ছিল। যদিও ধর্ম বিশ্বাসের দিক দিয়া আমরা মানিচ্ছ যে, কুরআন করীম আল্লাহতায়ালার কালাম, কিন্তু যাদের এলোমের দিক দিয়াও আমরা একীণ রাখি যে, কুরআন করীম কোন কাজের মনস্তাত্ত্বিক প্রতিক্রিয়ার ফল নহে। সুতরাং সন্দীহান মুসলমানদের নিকট আমাদের বক্তব্য এই যে, কুরআন করীম হযরত রসুল করীম (সাঃ)-এর কালাম নহে, বরং আল্লাহতায়ালার কালাম। তাহাদের মনস্তাত্ত্বিক যুক্তি সর্বৈব ভ্রান্ত। খোদাতায়ালার কি এতীম ও মিসকীন ছিলেন যে, জনগণের যুলুমের কারণে তাঁহার মনে প্রতিক্রিয়ার সৃষ্টি হইয়াছিল এবং তিনি হযরত রসুল করীম (সাঃ)-এর উপর তাঁহারও মনের প্রতিক্রিয়ার কথা প্রকাশ করিলেন।

অমুসলমান অবিশ্বাসীগণের নিকট আমাদের উত্তর এই যে, কুরআন মজিদের দাবী বাদ দিলেও যুক্তির দিক দিয়া তাহাদের আপত্তি সঠিক নহে। কারণ এতীমগণের সম্পর্কে কুরআন মজিদের শিক্ষা প্রতিশোধ-মূলক নহে, বরং সংশোধনমূলক। এতদ্ব্যতিরেকে আমরা হযরত রশূল করীম (সাঃ)-এর এতীমী যামানার পর্যালোচনা করিলে দেখিতে পাই যে, তাঁহার এতীমী অবস্থা একরূপ ছিল না, যে জ্ঞান তাঁহার মনে কোন বিরূপ প্রতিক্রিয়ার সৃষ্টি করিতে পারে। যদি পিতামাতা ছাড়া তাঁহার অন্য আত্মীয় না থাকিত অথবা যদি তাহার তাঁহার উপর যুলুম করিত, কষ্ট দিত ও কঠোর ব্যবহার করিত, তাহা হইলে তাঁহার শিক্ষা সাংশোধনমূলক না হইয়া প্রতিশোধমূলক হওয়া উচিত ছিল। আমরা দেখিতে পাই যে, তাঁহার জীবনে একরূপ সময় কখনও আসে নাই, যখন তিনি তাঁহার এতীমী অবস্থা উপলব্ধি করার অবসর পাইয়াছিলেন। যদিও তিনি এতীম ছিলেন, তথাপি আল্লাহ-তায়াল্লা তাঁহার জন্য এমন ব্যবস্থা করিয়াছিলেন যে, তিনি তাঁহার এতীমী অনুভব করেন নাই। তাঁহার পিতার মৃত্যু হওয়ায়, তাঁহার দাদা তাঁহাকে পুত্রবৎ গ্রহণ করেন এবং তাঁহার মাতার প্রতিপালনে রাখেন। তাঁহার দাদা তাঁহাকে তাঁহার মাতার নিকট হইতে ছিন্ন করিয়া লয়েন নাই এবং কতক যালেম যেরূপ প্রতিপালনের নামে উৎপীড়ণ করিয়া থাকে, তিনি তাহা করেন নাই। আবদুল মুত্তালেব যদি তাঁহাকে তাঁহার মাতার ক্রোড় হইতে ছিনাইয়া লইতেন, তাহা হইলে এক দিকে তাঁহার মাতার মনও পীড়িত হইত এবং তাঁহার মনেও ইহার প্রভাব পড়িত। এইরূপ ক্ষেত্রে মনস্তাত্ত্বিক প্রতিক্রিয়ার প্রশ্ন উঠিতে পারিত। যদি তিনি অপরাপর ছেলেদের ক মাকে ডাকিতে ও তাহার আদর পাইতে দেখিতেন, তাহা হইলে তাঁহার মনে বাসনা জাগিত, “হায়! আমারও যদি পিতা থাকিতেন, তাহা হইলে তিনি কখনও আমাকে মায়ের কোল হইতে ছিনাইয়া লইতেন না।” কিন্তু আবদুল মুত্তালেব একরূপ হৃদয়হীনতার কাজ করেন নাই। পিতা না থাকায় তাঁহাকে তাঁহার মাতার প্রতিপালনে রাখিয়া তাঁহার অভাব অভিযোগের দাহিত্ব নিজ স্বর্গে গ্রহণ করেন। সুতরাং একরূপ অস্বাভাবিকতা তাঁহার মনে এতীমীর জ্ঞান কোন প্রতিক্রিয়া সৃষ্টি হওয়ার কারণ ছিল না। মক্কাবাসীদের প্রথা অনুযায়ী শিশুদগকে কিছু কালের জ্ঞান মক্কার বাহিরে খোলা গ্রামে আবহাওয়ায় পাঠানোর নিয়ম ছিল, যাগতে তাহাদের ভাষা এবং স্বাস্থ্য ভাল হয়। মক্কার বাহিরে গ্রামের ভাষা খুব প্রাঞ্জল ছিল আরব ও অপরাপর দেশের মধ্যে এই প্রভেদ ছিল যে, অপরাপর দেশে শহরের ভাষা শুদ্ধ হইত এবং গ্রামীণ ভাষা অশুদ্ধ হইত, কিন্তু আরব দেশে ইহার উল্টা ছিল। সে দেশে গ্রামের ভাষা শুদ্ধ ছিল এবং শহরের ভাষা অশুদ্ধ। ইহার কারণ এই যে, গ্রাম এবং শহরের ভাষা একই এবং আরবী হইলেও, সেখানে শহরে বিভিন্ন দেশের লোক সমাগম হওয়ায় শহরের ভাষায় নানাদেশের শব্দ মিশ্রিত হইয়া যাইত, কিন্তু গ্রামে একরূপ হইবার উপায় ছিল না বলিয়া সেখানকার ভাষা শুদ্ধ থাকিত।

সেই জন্য আরবে পাঁচ বৎসর বয়স পর্যন্ত ছেলেদেরকে গ্রামে রাখার নিয়ম ছিল, যাহাতে তাহাদের মধ্যে শুদ্ধ ভাষার বুনিয়াদ পড়িয়া যায় এবং তাহাদের স্বাস্থ্যও ভাল হয়। এই কাজের জন্ত গ্রামের মেয়েরা শহরে আসিয়া ছেলে লইয়া যাইত এবং তাহাদিগকে পাঁচ বৎসর প্রতিপালন করিয়া দিয়া যাইত। হযরত রশূল করীম (সাঃ)-এর জন্য তাঁহার মাতা এই ব্যবস্থা গ্রহণ করিয়াছিলেন। কিন্তু যখন গ্রাম্য মেয়েরা ছেলে লইয়া আসিল, তখন তাহারা তাঁহাকে এই ভাবিয়া গ্রহণ করিতে অস্বীকার করিল যে তিনি এতীম, তাঁহাকে প্রতিপালন কবিলে ভাল বিনিময় পাওয়া যাইবে না। যেমন গ্রাম্য মেয়েরা ধনীর ছেলের অনুসন্ধান করে, তেমনি প্রত্যেক পিতাও জিজ্ঞাসাবাদ করিয়া দেখিল যে, যাহাকে সে ছেলে সোপদ করিবে তাহার অবস্থা স্বচ্ছল কিনা। ইহা এই জন্য যে, ছেলে যেন সুখ স্বচ্ছন্দে থাকে এবং স্বাস্থ্যবান হইয়া গড়িয়া উঠে। তদনুযায়ী সে দিন যত গ্রাম্য খাত্তী আসিয়াছিল, একজন ব্যাতিরেকে সকলে বিভিন্ন গৃহ হইতে ছেলে লইয়া চলিয়া গেল। খাত্তী হালিমা গরীব ছিলেন। তিনিও প্রথমে হযরত রশূল করীম (সাঃ)-কে প্রত্যাখ্যান করিয়া যান। কিন্তু তাঁহার দারিদ্রের কথা শুনিয়া কেহ তাহাকে সম্মান দিতে রাজি হয় নাই। সুতরাং হযরত রশূল করীম (সাঃ) এতীম হওয়ার কারণে একদিকে যেমন সকল খাত্তী তাঁহাকে গ্রহণ করিল না, অপর দিকে তেমনি খাত্তী হালিমা গরীব হওয়ার কারণে কেহ তাঁহাকে ছেলে দিল না। পরিণামে হালিমা হযরত রশূল করীম (সাঃ)-এর মাতার নিকট আসিয়া বলিলেন, “আমেনা, আমি আপনার বাচ্চা পালন করিব।” তাঁহার মাতাও অপর কোন খাত্তী না পাওয়ার কারণে বাচ্চা তাঁহাকে সোপদ করিলেন। ইহা এক ইলাহী তদ্বীর ছিল। কারণ তাঁহাকে গ্রামে লইয়া গিয়া প্রতিপালনের জন্ত যদি কোন খাত্তী না পাওয়া যাইত, তাহা হইলে তাঁহার উন্নত স্বাস্থ্য লাভ ও ভাষা শিক্ষার ব্যবস্থা হইত না এবং তাঁহার মনে দুঃখ হইত যে এতীমীর জন্ত তিনি এই সৌভাগ্য হইতে বঞ্চিত হইয়াছিলেন। ইহার প্রতিক্রিয়ায় তিনি মনে মনে সংকল্প করিতে পারিতেন যে, উত্তরকালে তিনি ইহার প্রতিশোধ গ্রহণ করিবেন। কিন্তু এরূপ পরিস্থিতির উদ্ভব না হওয়ায় এতীমীর প্রতিক্রিয়া কিভাবে তাঁহার মনে সৃষ্ট হইল?

বাকী থাকিল খাত্তী হালিমার গরীব অবস্থার কথা। এ ব্যাপারে এক আলৌকিক ঘটনা ঘটিল। হযরত রশূল করীম (সাঃ) তাঁহার গৃহে আগমনের পরে, তাঁহার অবস্থা দ্রুত স্বচ্ছল হইয়া গেল। ইহা দেখিয়া হালিমার স্বামী এবং গৃহের ছোট বড় সকলে হযরত রশূল করীম (সাঃ)-এর একান্ত অনুরাগী হইয়া গেল এবং তিনি অত্যন্ত আদরে লালিত পালিত হইতে লাগিলেন। সুতরাং তাঁহার বালক মনে প্রতিপালন সম্বন্ধে অশুবিধা জনিত

কোনরূপ প্রতিক্রিয়ার সুযোগ ঘটিতে পারে নাই। অতঃপর তিনি যখন ঘরে ফিরিয়া আসিলেন, তখন তাঁহার দাদাও তাঁহার গুন-মুন্ধ, হইয়া তাঁহাকে অতি যত্ন সহকারে পালন করিতে থাকেন।

তাঁহার মাতার মৃত্যু হইলে, তাঁহার দাদা নিজের নিকট আনিলেন। আবছুল মুত্তালেব একরূপ রাশ-ভারি লোক ছিলেন যে, তিনি যখন মজলিসে বসিতেন, তখন তাঁহার দিকে কেহ চক্ষু তুলিয়া কথা বলিতে পারিত না। আরবদেশে বড়দের খুব সম্মান ছিল। কিন্তু হযরত রশুল করীম (সাঃ) বাল্যকালে খেলিতে খেলিতে কখনও আসিয়া দাদার স্বন্ধে চড়িয়া বসিতেন। ইহা দেখিয়া তাঁহার চাচা আবু তালেব, তাঁহাকে লাল চক্ষু দেখাইয়া স্বন্ধ হইতে নামিবার জন্ত ইশারা করিতেন। আবছুল মুত্তালেব ইহার প্রতিবাদে নিজ পুত্রকে বলিতেন, “খবরদার! আমার এই বাচ্চাকে কিছু বলিও না।” এইভাবে কোন সময়ে তাঁহাকে এতমী-জনিত মর্ম-পীড়া ভোগ করিতে হয় নাই, যদ্বারা তাঁহার মনে কোনরূপ প্রতিক্রিয়ার ছায়াপাত হইতে পারিত।

তিনি যখন ৮/৯ বৎসর বয়সের, তখন তাঁহার দাদা মারা যান। মৃত্যুর কিছুকাল পূর্বে আবছুল মুত্তালেব তাঁহার পুত্র আবু তালেবকে ডাকিয়া হযরত রশুল করীম (সাঃ)-এর সম্বন্ধে উপদেশ দেন, “আমার পুত্রগণের মধ্যে আমি তোমাকে বেশী বিশ্বাস করি। এই বাচ্চা তোমার নিকট আমার আমানত! নিজ সম্মানের ছায় ইহাকে পালন করিও। তাঁহার মনে কখনও কোন আঘাত দিও না। আবু তালেবও তাঁহার উপর পিতাকর্তৃক অর্পিত আমানতের পূর্ণ মর্যাদা রক্ষা করিয়াছিলেন। তিনি তাঁহাকে নিজ পুত্রগণ অপেক্ষা বেশী আদর স্নেহ করিতেন। তিনি তাঁহাকে ‘আমার ছেলে’ বলিতেন। নিজ সম্মানদের সম্বন্ধে তিনি একরূপ বলিতেন না।

ইতিহাসে দেখা যায়, হযরত রশুল করীম (সাঃ) বাল্যকাল হইতে পরম গাঙ্গীর্ষের অধিকারী ছিলেন। ইতিহাসে তাঁহার প্রতি তাঁহার চাচীর স্নেহ প্রদর্শন সম্বন্ধে বিশেষ কোন উল্লেখ না থাকিলেও, দেখা যায় যে, তিনি যখন তাঁহার সম্মানদের মধ্যে কিছু বণ্টন করিতেন, তখন তিনি তাঁহাকেও একাংশ দিতেন। মায়ের হাতে কোন খাবার দেখিলে, ছেলেরা তাঁহার উপর বাঁপাইয়া পড়িত, কিন্তু হযরত রশুল করীম (সাঃ) এক দিকে স্থিরভাবে বসিয়া থাকিতেন। এমনি কোন এক সময়ে আবু তালেব আসিয়া তাঁহাকে তদবস্থায় দেখিলে, এই ভাবিয়া যে হযরত নবী করীম (সাঃ) হয়ত ভাবিতেছেন যে, এ গৃহে তাঁহার স্থান নাই, তিনি পরম স্নেহে তাঁহার হাত ধরিয়া জ্বীর নিকট গিয়া বলিতেন, “তুমি আমার বাচ্চাকে কিছু দাও নাই। তাহাকে তাহার অংশ দাও।” কিন্তু

তাঁহার এক পাশ্বে বসিয়া থাকার এ অর্থ ছিল না যে, তিনি নিজ এতীমীর কথা স্মরণ করিয়া একরূপভাবে বসিয়া থাকিতেন, বরং উহা তাঁহার স্বভাবসিদ্ধ গান্ধীর্ষের পারিচায়ক ছিল। মোট কথা আগাগোড়া তাঁহার অবস্থা পর্যালোচনা করিলে দেখা যায়, তিনি যে এতীম, তাঁহার মনে এ দাগ কাটিবার কোন উপলক্ষ্য সৃষ্টি হয় নাই। তাঁহার মনে এই ধারণাই বদ্ধমূল হইয়াছিল যে, তাঁহার আত্মীয়গণ ঘরে বাইরে সকলে তাঁহাকে অভ্যস্ত স্নেহ করেন। সুতরাং এতীমদের জন্য তিনি যে শিক্ষা দিয়াছেন উহার ভিত্তি প্রতিশোধমূলক বা মনস্তাত্ত্বিক কোনটাই বলা যায় না। জোর করিয়া যদি উহাকে মনস্তাত্ত্বিকও বলা যায়, তাহা হইলে উহাকে প্রতিশোধ-মূলক না বলিয়া সংশোধন-মূলক বলিতে হইবে। একরূপ ক্ষেত্রে ইহাই বলিতে হইবে যে, তিনি ভাবিতেন যে তাঁহার আত্মীয় স্বজন এত শরীফ ও স্নেহশীল যে তাঁহাকে তাঁহার এতীমীর অবস্থা স্মরণ করার অবসর দেন নাই। অতএব ইহা আমার কর্তব্য যে, আমিও অপরাপর এতীমদের দুঃখ দূর করিয়া তাহাদের জন্যও এই সুযোগ সুবিধার ব্যবস্থা করি। আমাদের যুক্তি এতটুকু স্বীকার করিতে পারে, কিন্তু ইহার অতিরিক্ত এই শিক্ষাকে ব্যক্তি স্বার্থ-মূলক কোন রূপেই বলা যাইতে পারে না। কিন্তু আসল সত্য উহাই, যাহা আমরা পূর্বে বলিয়াছি যে, যুক্তি, প্রমাণ, ঘটনাবলী সাব্যস্ত করিতেছে যে, তাঁহার প্রদত্ত শিক্ষা মানবীয় নহে, বরং আসমানী।

দ্বিতীয় আপত্তি যাহা উঠিতে পারে উহা এই যে, দীনকে অস্বীকার করার স্বভাবজ পরিণতি কিভাবে এতীমদের ধিক্কার হইতে পারে? ইহার উত্তর এই যে, দীনের অস্বীকারের ফল এতীমের ধিক্কার নহে, কিন্তু উপরে দীনের অর্থ সম্বন্ধে যে বারটি টিকা দেওয়া হইয়াছে, উহাদের প্রত্যেকটির ফলশ্রুতিতে এতীমের ধিক্কার ও অপরাপর পাপও আসিয়া যায়। দীনের প্রচলিত অর্থ গ্রহণ করিলে চলিবে না, বরং উপরে আলোচিত বারটি অর্থ ব্যাখ্যাকে সম্মুখে রাখিতে হইবে।

উহাদের প্রত্যেকটির অস্বীকারের ফল মানুষকে বহুবিধ পাপে লিপ্ত করে এবং এতীমদেরকে ধিক্কার করা বড় পাপের মধ্যে অন্যতম; সকল পাপের মধ্যে আলোচ্য আয়াতে কেবল এই পাপটিকে নির্বাচন করিয়া বলার কারণ এই যে, ইহা কেবল পাপ নহে বরং নীচতা নির্দেশক এবং যে একাজ করে সে মানুষের পর্ষায়ের নীচে নামিয়া যায়। দ্বিতীয় কারণ হইল, ইহা জাতীয় অপরাধ। ইহার দ্বারা জাতির শৃঙ্খল ছিড়িয়া যায় এবং ভবিষ্যৎ বংশধরগণের চরিত্র ও বর্তমান বংশধরগণের কুরবানীর উপর অভ্যস্ত বিরূপ প্রভাব বিস্তার করে। সুতরাং আল্লাহুতায়ালার এই পাপের নাম অনিবার্য ফল হিসাবে উল্লেখ করেন নাই, বরং বিশেষ দৃষ্টান্ত হিসাবে উল্লেখ করিয়াছেন। অপরাপর পাপ এক সীমার মধ্যে প্রভাব বিস্তার করে, কিন্তু এই পাপ সমস্ত জাতি ও মানব সমাজকে আঘাত করে ও জাতির ও

মানবতার অধঃপতন ঘটায় এবং এই পাপের ফল সুদূর প্রসারী। ব্যক্তিবর্গের কুরবানীর ফলে জাতি গঠিত হয় এবং সম্মান সমৃতি তাহাদের উত্তরাধীকার হইয়া থাকে। মানুষ জাতির জ্ঞান জীবন দিয়া থাকে। যদি সে দেখে যে, সে মরিয়া গেলে তাহার পুত্র সম্মানদের কেহ প্রতিপালন করিবে না এবং তাহারা নষ্ট হইয়া যাইবে, তাহা হইলে সে কুরবানী করিতে পরাম্ভু হয়। কেবল নিজের প্রাণ দিবার প্রক্ষে মানুষ পরওয়া না করিয়া আগাইয়া যায়, কিন্তু যখন বংশধরগণের প্রশ্ন আসিয়া যায়, তখন সে থমকিয়া দাঁড়াইয়া যায়। যুবকগণ প্রাণদান করিতে এই জন্য আগাইয়া আসে যে, হয় তাহারা বিবাহিত নহে, অথবা তাহাদের সম্মান সমৃতি থাকে না। ভবিষ্যতের জ্ঞান তাহাদের কোন চিন্তা বা বাধা বিপত্তি থাকে না। পক্ষান্তরে বিবি বাচ্চাওয়ালা বয়োবৃদ্ধ ব্যক্তিগণ চিন্তা করে বে, তাহারা মারা গেলে, তাহাদের পরিজনগণের কি অবস্থা হইবে, কে তাহাদের এতীম ছেলে মেয়েদের প্রতিপালন করিবে, এবং তাহারা নিজেরা তাহাদের ব্যবস্থা না করিয়া গেলে, তাহারা বিনষ্ট হইয়া যাইবে। তাহাদের মনে যখন এই সব চিন্তা উঠে, তখন তাহারা কুরবানী করিতে পশ্চাদপদ হয়। কিন্তু জাতির পক্ষ হইতে যদি এতীমগণের প্রতিপালনের সুব্যবস্থা হয়, তাহা হইলে, আর কেহই কুরবানী দিতে ইতস্ততঃ করিবে না। যে কোন আস্থানে ব্যক্তি নিশ্চিত মনে অচিরে সাড়া দিবে। ইহার দ্বারা জাতির ভবিষ্যত উন্নতি নিশ্চিত হইয়া যায়। বস্তুতঃ যে জাতি এতীমগণের প্রতিপালনের জ্ঞান যত বেশী সুন্দর ব্যবস্থা রাখে, সেই জাতির উন্নতির মান তত উন্নত ও উচ্চ হয়।

কেবল ধর্ম বিধানই এতীমগণের প্রতিপালনের ব্যবস্থা নাই, বরং জাগতিক দিক দিয়াও তাহাদের ব্যবস্থা করা হইয়া থাকে। ইউরোপীয় জাতিগণের মধ্যে এতীমগণের প্রতিপালনের জ্ঞান বড়ই সুব্যবস্থা রহিয়াছে। অনেকে নিজেদের জীবন দিয়া তাহাদের প্রতিপালনের ব্যবস্থা করিয়া থাকে। অনেকে এ কার্যে তাহাদের জীবন ওয়াকফ করিয়া দেয়। তাহারা বড় বড় এতীমখানা খুলিয়া এবং প্রভূত অর্থ সংগ্রহ করিয়া এতীমখানায় এতীমগণের প্রতিপালন করে। কিন্তু আমাদের দেশে অর্থোপার্জনের জ্ঞান এতীমখানা খোলা হয় এবং ছেলেদের শিক্ষা মাগিরার কাজে নিয়োজিত করা হয়। কোন জাতির কুরবানীর মান ততক্ষণ পর্যন্ত বাড়িতে পারে না, যতক্ষণ পর্যন্ত না তাহাদের মধ্যে এতীমগণের প্রতিপালনের জ্ঞান সুব্যবস্থা করা হয়। সেই জ্ঞান আল্লাহুতায়ালা এই প্রয়োজনের বিশেষ উল্লেখ করিয়াছেন। আল্লাহুতায়ালা বলিয়াছেন যে, দীনের যে কোন অর্থই লওয়া যাউক না কেন, যে ব্যক্তি দীনকে অস্বীকার করে, সে ব্যক্তি ও জাতি সম্পর্কিত নেকীসমূহ হইতে বঞ্চিত হইয়া যায়। ইহাদের মধ্যে একটি হইল এতীমগণের প্রতিপালন এবং অপটি হইল, দরিদ্রগণকে সাহায্য। যে ব্যক্তি দীনকে মানে, তাহার মধ্যে ব্যক্তিগত পবিত্রতা এবং জাতির জ্ঞান দরদ থাকে। সে অপরাপের নেকীর সহিত এতীম ও দরিদ্রগণের প্রতি তাহার কর্তব্য সম্বন্ধে সজাগ থাকে এবং বুঝে যে, এই কর্তব্য উপেক্ষা করিলে, তাহার কুফল তাহার ও তাহার সম্মানগণের উপর বর্তিবে।

হযরত রসূল করীম (সাঃ)-এর যামানায় এতীমগণের প্রতিপালনের বিশেষ ব্যবস্থা ছিল। পক্ষান্তরে মুশরেকগণের এতীম ছেলেমেয়েদের প্রতি নযর করিবার কেহ ছিল না। মদীনায় এতীমগণকে মাথায় তুলিয়া রাখিত; সেই জ্ঞ জ্ঞ মদীনার অধিবাসীগণ কুরবানী করিতে ভীত হইত না। তাহাদের মনে এ চিন্তা উদয় হইত না যে, তাহারা মারা গেলে তাহাদের সম্মানদের কে দেখাশুনা করিবে। কিন্তু মক্কার মুশরেকগণ ভয় করিত যে, তাহাদের সম্মানদের দেখাশুনা করার কেউ থাকিবে না। আজকাল কোন জ্রীলোক বিধবা হইলে, তাহাকে ও তাহার ছেলেমেয়েদিগকে ভরণ পোষণ করার ভয়ে কেহ তাহাকে বিবাহ করিতে অগ্রণর হয় না। অথচ সে যুগে বেহ বিধবা হওয়ার সঙ্গে সঙ্গে তাহার ও তাহার বাচ্চাদের ভার গ্রহণের জ্ঞ বিবাহের প্রস্তাব লইয়া আসিয়া যাউত। স্বয়ং হযরত রসূল করীম (সাঃ) কতিপয় বিধবার পানি গ্রহণ করেন এবং এতীমগণের প্রতিপালন করেন। একদা হযরত রসূল করীম (সাঃ) এক নব্য যুবককে জিজ্ঞাসা করিয়াছিলেন, “তুমি কোন যুবতীকে বিবহ কর নাই কেন?” সে উত্তর দিয়াছিল, “হে আল্লাহর রসূল! গৃহ আমার মৃত ভাইয়ের এতীম ছেলেমেয়ে আছে। তাহাদের প্রতিপালনের জ্ঞ এক অভিজ্ঞা জ্রীলোকের প্রয়োজন ছিল। তাই আমি এক বিধবাকে বিবাহ করিয়াছি।” যখনই কোন সাহাবী শহীদ হইতেন, অথবা মৃত্যু বরণ করিতেন, তখনই লোক হযরত রসূল করীম (সাঃ)-এর মিকট আসিয়া বিধবার ও তাহার এতীমগণের ভরণ পোষণের উদ্দেশ্যে বিবাহের দরখাস্ত পেশ করিয়া দিত। সুতরাং সে যুগে কোন এতীমের অসহায় থাকার কোন প্রস্নই ছিল না।

হযরত রসূল করীম (সাঃ) যখন কোন কাজে পথ দিয়া চলিয়া যাইতেন, তখন কখনও কখনও কোন এতীম ছেলে তাহাকে আসিয়া ধরিত এবং তাহার প্রয়োজনের কথা বলিত। হযরত রসূল করীম (সাঃ) তাহার ডাকে সাড়া দিয়া বলিতেন, “চল, আগে তোমার কাজ করিয়া দিই” এবং তাহার সঙ্গে যাইতেন। এই জ্ঞ সাহাবা (রাঃ) কুরবানী করিতে পশ্চদ-পদ হইতেন না। তাহাদের দৃঢ় প্রতীতি থাকিত যে, তাহারা মারা গেলে, তাহাদের অবর্ত-মানে তাহাদের পরিজনের প্রতিপালনের উত্তম ব্যবস্থা হইবে। এরূপ দৃষ্টান্তও পাওয়া যায় যে, যে সাহাবী বিধবা বিবাহ করিতেন তিনি বিবাহের পরেই বিবাহিতা বিধবা জ্রীর এতীম বাচ্চাদের নামে তাহার সম্পত্তি লিখিয়া দিতেন। এই কুরবানীর ফলশ্রুতিতে সাহাবা (রাঃ) জীবন উৎসর্গ করিতে ইতস্ততঃ করিতেন না। অবশ্য জীবন কুরবানী করার পিছনে ঈমান ও আল্লাহুতায়ালার সহিত মিলনাকাঙ্খার প্রেরণাও সক্রিয় ছিল। কিন্তু উহার সহিত পার্থিব সুযোগ সুবিধা সংযুক্ত হইয়া গেলে অপূর্ব ফল ফলিয়া থাকে।

আমাদের জামাতেও এ বিষয়ে কমজোরী রহিয়াছে। এতীমগণের দেখাশুনা করা হয় না। এই জ্ঞ আমাদের জামাতের লোকও মরিতে ভয় করে। যদি এতীমগণের ভরণ পোষণের ব্যবস্থা হইয়া যায় এবং লোকদের মনে বিশ্বাস জন্মে যে, তাহারা মরিয়া গেলে তাহাদের সম্মানগণ বিনষ্ট হইবে না, তাহা হইলে জামাতের মধ্যে কুরবানীর রুহ বাড়িয়া যাইবে। এতীমখানা খুলিলে চলিবে না। কারণ দেখা গিয়াছে যে, এতীমখানা খোলার পর লোকে এতীমদের দিয়া নিজেদের কাজ করাইয়া লইয়াছে। সেই জ্ঞ এই বাচ্চাদেরকে আমি হোষ্টেলে রাখার বেশী পক্ষপাতি। (ক্রমশঃ)

হাদিস মরীফ

সদরুে দু-জাহান খাতমানাবিয়ীন হযরত মুহাম্মদ সাল্লাল্লাহু আলাইহে
ওয়া সাল্লাম এবং তাঁহার শাফাআতের মোকাম।
(পূর্ব প্রকাশিতের পর)

১। হযরত উম্মুল মোমেনীন সফিয়া (রাঃ) বর্ণনা করিতেছেন :—

অঁ-হযরত সাল্লাল্লাহু আলাইহে ওয়া সাল্লাম এক বার এতেকাফে ছিলেন। রাতে আমি তাঁহার সহিত সাক্ষাৎ করিতে আসিলাম। অনেকক্ষণ কথা বার্তার পর, যখন আমি বিদায় গ্রহণের জন্ত উঠিলাম, তখন হুজুর (সাঃ)-ও আমাকে কিছু দূরে ছাড়িবার জন্ত আমার সঙ্গে চলিলেন। আমরা দুইজনই যাইতেছিলাম। পার্শ্বে দুইজন আনসারী যাইতেছিলেন। তাঁহার অঁ-হযরত সাল্লাল্লাহু আলাইহে ওয়া সাল্লামকে দেখিয়া তাড়াতাড়ি সম্মুখে চলিয়া গেলেন। হুজুর (সাঃ) তাঁহাদিগকে বলিলেন; “খামো, ইনি আমার স্ত্রী সফিয়া।” ইহাতে ঐ দুই আনসারী যুবক বলিলেন, সুবহানাল্লাহ। হে আল্লার রসূল, আমরা কি আপনার সম্বন্ধে কুধারণা করিতে পারি?” তিনি বলিলেন, “ধর্মান্তে রক্তের প্রবাহের স্থায়, শয়তান মানুষের মধ্যে মিশিয়া আছে। আমার আশঙ্কা হইল, এবং চাহিলাম তোমরা যেন কুধারণার বশবর্তী না হও, এবং (ফলে) ধ্বংস না হও।”

২। হযরত জুবায়ের বিন মুংআম (রাঃ) রেওয়াজেত করিতেছেন :—

অঁ-হযরত সাল্লাল্লাহু আলাইহে ওয়া সাল্লাম বলিলেন, “আমি মোহাম্মদ। আমি আহমদ। আমি মাথী (নিশ্চেষ্টকারী),

আমার দ্বারা কুফর ধ্বংস হইবে। আমি হাশের, আমার অনুসরণে লোকের পুনরুত্থান হইবে। আমি আকেব, আমি পরিশেষে আসিয়াছি। আমার পরে কোনো স্বাধীন নবী হইবেন না।”

৩। বর্ণিত হইয়াছে যে, অঁ-হযরত সাল্লাল্লাহু আলাইহে ওয়া সাল্লাম বলিয়াছেন। “অন্ত নবীগণ হইতে ছয়টি বিষয়ে আমার স্রেষ্ঠত্ব আছে। তদ্ব ও তথ্যের পূর্ণ ‘কালাম’ (বাণী) আমাকে দেওয়া হইয়াছে। আমার জন্ত যুদ্ধ লব্ধ মাল হালাল করা হইয়াছে। আমার জন্ত সব জমীন মসজিদ ও পাক সাফ নির্ধারণ করা হইয়াছে। আমাকে সমগ্র মানব মণ্ডলীর জন্ত পাঠান হইয়াছে। এবং আমাকে নবীগণের ‘খাতাম’ (মোহর) করা হইয়াছে।

৪। হযরত জাবের (রাঃ) বলেন যে, অঁ-হযরত সাল্লাল্লাহু আলাইহে ওয়া সাল্লাম ফরমাইয়াছেন :

আমার এবং তোমাদের উপমা ঐ ব্যক্তির মত, যে আগুণ জ্বালানোর পর উহাতে কীট পতঙ্গ পড়া আরম্ভ করে। ঐ ব্যক্তি এই সব কীট পতঙ্গ আগুণ হইতে সরাইতে থাকে, যাহাতে আগুণে দন্ধ না হয়। তেমনি দোষখের আগুণ হইতে রক্ষার জন্ত আমি তোমাদিগকে পিছন হইতে ধরি এবং তোমরা আমার হাত হইতে বাহির হইয়া পড়।

(হাদিকাভূস সালেহীন গ্রন্থ হইতে ধারাবাহিক অনুবাদ)

অনুবাদক—এ, এইচ, এম, আলী আনওয়ার

হযরত মসীহ মণ্ডুউদ (আঃ)-এর

অমৃত বানী

রোজা রাখার পুরস্কার অতি মহান তাহাতে সন্দেহ নাই ;
রোজা হৃদয়ে উজ্জলতা দান করে ও 'কাশফের' দ্বার উন্মুক্ত করে ।

১। “আরবী ভাষায় সূর্যের তাপকে ‘রময’ বলা হয়। যেহেতু রমযান মাসে রোজাদার ব্যক্তি পানাহার ও যাবতীয় দৈহিক ভোগ বিলাস হইতে বিরত থাকে এবং আল্লাহর আদেশ-সমূহ পালন করিবার উদ্দেশ্যে নিজের প্রাণে এক প্রকার ব্যগ্রতার তাপ ও উদ্দীপনা সৃষ্টি করে, এই আধ্যাত্মিক ও বাহ্যিক উভয় প্রকার তাপের সংমিশ্রনে রমযান বলা হইয়াছে। আমার মতে এই ধারণা সঠিক নহে। কেননা আরব দেশের জন্ম ইহাতে কোনও বিশেষত্ব থাকিতে পারে না। আধ্যাত্মিক তাপের অর্থ আধ্যাত্মিক অমুরাগ ও ধর্ম-কর্মে উদ্দীপনা। ‘রময’ এমন উদ্ভাপকেও বলা হয় যদ্বারা পাথর প্রভৃতি পদার্থও উত্তপ্ত হয়।”

(আল-হাকাম—২৪শে জুলাই ১৯০১ইং)

২। “রমযান মাস অতি মঙ্গলজনক মাস। কেননা ইহা দোয়ার মাস” (এ)

৩। شهر رمضان الذي انزل فيه القرآن—কোরআন শরীফের এই একটি মাত্র পবিত্র বাক্য হইতে রমযান মাসের মহাত্ম্য বুঝা যায়। (এই আয়াতের অর্থ—রমজান সেই পবিত্র মাস, যাহার মধ্যে কোরআন অবতীর্ণ হইয়াছে।—অনুবাদক) সূক্ষ্মগণ লিখিয়াছেন যে, এই মাসে আত্মাকে জ্যোতির্ময় করার উত্তম সুযোগ পাওয়া যায়। এই মাসে বহুল পরিমাণে ‘কাশফ’ (আধ্যাত্মিক অভিজ্ঞান বা দিব্য দর্শন) লাভ হইয়া থাকে।

নামাজ “তায়্কিয়া-নফ্‌স” (আত্ম-সুদ্ধি) সাধিত করে এবং রোজায় “তাজল্লিয়ে-মল্‌ব” (আত্মার উজ্জলতা)। ‘তায়্কিয়া-নফ্‌স’-এর অর্থ—রিপু দমন শক্তির বৃদ্ধি লাভ। ‘তাজল্লিয়ে-কল্‌ব’ (আত্মার উজ্জলতা) সাধিত হওয়ার অর্থ—“কাশফ” বা আধ্যাত্মিক অভিজ্ঞতার দ্বার উন্মুক্ত হইয়া খোদা-দর্শন লাভ করা।

সুতরাং انزل فيه القرآن (অর্থাৎ এই মাসে কোরআন অবতীর্ণ হইয়াছে)—পবিত্র আয়াতে ইহারই ইঙ্গিত রহিয়াছে। ইহাতে কোন সন্দেহ নাই যে, রোজার প্রতিদান অতি মহান। কিন্তু দৈহিক অসুস্থতা ও পাথির স্বার্থ মানুষকে এই কল্যাণ লাভ হইতে বঞ্চিত রাখে।”

(বদর—১লা ডিসেম্বর—১৯০৮ ইং)।

৪। فمن كان مريضاً أو على سفر فعدة من أيام أخر—অর্থ—অসুস্থ ও সফররত ব্যক্তির রোজা রাখা সম্ভব নয়।

ইহা খোদার আদেশ। আল্লাহ্-তায়াল্লা একরূপ নির্দেশ দেন নাই যে, রোজা যাহার ইচ্ছা রাখুক অথবা যাহার ইচ্ছা না রাখুক। যেহেতু অধিকাংশ লোক সাধারণতঃ সফরে রোজা রাখিয়া থাকে, সেইহেতু যদি তাহারা প্রচলিত প্রথা বিবেচনা করিয়া রোজা রাখে, তাহা হইলে তাহারা রাখুক কোন আপত্তি নাই, কিন্তু এতদসঙ্গে **أشْرَ مِنْ أَيَّامِ** (অর্থাৎ অন্য সময়ে সেই রোজা পূরা করিতে হইবে) আয়াতে উল্লিখিত আদেশ পালনের প্রতি লক্ষ্য রাখা উচিত। (আল-হাকাম ৩১ শা জামুয়ারী—১৮৯৬ইং)

৫। (ক) “সফরে কষ্ট স্বীকার করিয়া যাহারা রোজা রাখিয়া থাকে তাহারা প্রকারান্তরে আল্লাহ্-তায়াল্লাকে বল-পূর্বক সন্তুষ্ট করিতে চাহে। আল্লাহর হুকুম মান্য করিয়া আল্লাহর সন্তুষ্টি চাহে না। ইহা সম্পূর্ণ ভুল। আল্লাহর আদেশ এবং নিষেধ উভয়ই মান্য করার মধ্যে সত্যিকার ঈমান নিহিত।” (আল-হাকাম, ৩১শে জামুয়ারী—১৮৯৯ইং)।

(খ) “শরীয়তের ভিত্তি কাঠিছের উপর নহে বরং যাহাকে তোমরা সচরাচর সফর বলিয়া থাক তাহাই সফর। যেমন খোদাতায়াল্লা নির্দেশিত ফরজ (বাধ্যকর) বিষয়াবলীর উপর আমল করিতে হয়, তেমনিভাবে তাহার অমুমোদিত সুবিধা পালন করাও অবশ্য কর্তব্য।” (আল-হাকাম, ঐ)

অমুবাদ : আহমদ সাদেক মাহমুদ

নিশ্চয় জানিও যে, আকাশে কেবল তখনই তোমরা আমার শিষ্যমণ্ডলী বলিয়া পরিগণিত হইবে, যখন তোমরা সত্য সত্যই ধর্মনিষ্ঠার পথে অগ্রসর হইবে। সুতরাং তোমরা তোমাদের দৈনিক পাঁচবারের নামায একরূপ ভীতি সহকারে এবং নিবিষ্টচিত্তে পড়িবে, যেন তোমরা আল্লাহ্-তায়াল্লাকে সাক্ষাৎভাবে দেখিতেছ। তোমাদের রোযাও নিষ্ঠার সহিত পালন করিবে। তোমাদের মধ্যে যাহারা যাকাত দিবার উপযুক্ত, তাহারা অবশ্য যাকাত দিবে। যাহাদের জন্ম হজ্জ অবশ্য কর্তব্য এবং ইহা পালনে কোন বাধা নাই, তাহারা অবশ্য হজ্জ করিবে। তোমরা সকল পুণ্য কাজ সুচারুরূপে সম্পন্ন করিবে এবং সকল পাপকে ঘুণার সহিত পরিহার করিবে। এ কথা নিশ্চয় জানিবে যে, কোন ধর্ম আল্লাহর নিকট গৃহীত হইবে না, যাহাতে প্রকৃত তাকওয়া নাই। এই তাকওয়াই সকল পুণ্যের মূল। যে কর্মে এই মূল ধ্বংস হয় না, সেই কর্ম কখনও ধ্বংস হইবে না। ইহা নিশ্চয় যে, পূর্ববর্তী বিশ্বাসীদের মত তোমাদিগকেও নানা প্রকার দুঃখ কষ্টের পরীক্ষা দিতে হইবে। অতএব সতর্ক রহিও, যেন তোমাদের পদস্থলন না হয়। যদি আল্লাহর সহিত তোমাদের সখস্ক দৃঢ় থাকে, তবে পৃথিবী তোমাদের কিছুই ক্ষতি করিতে পারিবে না। (কিশ্টিয়ে নূহ, পৃঃ-২৭)

ঈদুল ফিতরের খোৎবা

সৈয়েদনা হযরত খলিফাতুল মসীহ সানী (রাঃ)

[ইং ১৯৪১ সনের ২৮শে জুলাই তারিখে প্রদত্ত]

প্রত্যেক ব্যক্তির কর্তব্য নিজের মনকে জিজ্ঞাসা করা যে কেন সে ঈদ পালন করিতেছে। সত্যকার ঈদ পালনের তিনটি উপলক্ষ্য : চেষ্টা কর যেন তোমরা খোদাকে পাও, জাতীয় উন্নতি লাভ কর এবং নৈতিক শ্রেষ্ঠতা অর্জন করিতে পার।

কলেমা শাহাদত, আউযুবিল্লাহ এবং সুরা ফাতেহা পাঠ করিবার পর হুজুর বলেন :—

ঈদ এমন এক বিষয় যে পৃথিবীর সকল জাতি ইহা পালন করে। কেহ ইহার নাম তাহওয়ার রাখে, কেহ ঈদ এবং কেহ খ্রীস্‌মাসডে বলিয়া অভিহিত করে। মোট কথা ছুনিয়ার এমন কোন জাতি নাই, যাহাদের মধ্যে আনন্দোৎসব নাই। প্রত্যেক জাতি কোন না কোন ভাবে ঈদ পালন করে। ইহা দ্বারা বুঝা যায় যে, আনন্দোৎসবের আবেগ মানব প্রকৃতিগত। এই আবেগ যদি প্রকৃতিগত না হইত, তাহা হইলে প্রত্যেক স্থানে প্রত্যেক জাতির মধ্যে কেন আনন্দোৎসব করা হয়? শত শত এবং হাজার হাজার বৎসর পর্যন্ত মানুষ পরস্পর বিচ্ছিন্নভাবে বাস করে। আমেরিকাবাসীগণ পৃথিবীর অল্প জাতির সহিত ততদিন পর্যন্ত মিলিতে পারে নাই, যতদিন পর্যন্ত না কলম্বাস ইহাকে আবিষ্কার করে। অষ্ট্রেলিয়াবাসীগণও এক সময় পর্যন্ত অল্প জাতির সহিত মিলিতে পারে নাই। কিন্তু তবুও সে দেশের ইতিহাস হইতে দেখা যায় যে, তাহাদের পুরাতন বাসিন্দাদের মধ্যে আনন্দোৎসবের প্রথা ছিল। অল্পরূপভাবে আফ্রিকার পুরান বাসিন্দাগণের মধ্যেও তেহওয়ার পাওয়া

যায়। যাহা হউক, ঈদের উপলক্ষ্য বিভিন্ন হইলেও ইহার অস্তিত্ব প্রত্যেক জাতি এবং প্রত্যেক দেশে পাওয়া যায়। ইহা দ্বারা বুঝা যায় যে, প্রকৃতির সহিত ঈদের সম্বন্ধ রহিয়াছে। ইসলামেও বৎসরে দুই ঈদ রাখিয়াছে। যথা ঈদুল ফিতর এবং ঈদুল আজহা রাখিয়াছে। ইহা ছাড়া রশূল করীম (সাঃ) জুমার দিনকেও মুসলমানগণের জন্ম ঈদের দিন বলিয়া ধার্য করিয়াছেন। ফলে ইসলাম ঈদের দিক দিয়া অজ্ঞান জাতি ও ধর্মের তুলনায় অগ্রগামী।

কিন্তু প্রশ্ন এই যে ঈদ কাহাকে বলে?

নিশ্চয় কোন কারণ আছে যে জন্ম প্রত্যেক জাতি ও প্রত্যেক ধর্মের মধ্যে ঈদের ব্যবস্থা আছে। ঈদের ব্যবস্থার কারণ ইহাই যে, মানুষ যদি সদা দুঃখকে দেখিতে থাকে, তাহা হইলে তাহাদের শক্তি নষ্ট হইয়া যাইবে। কখনও কখনও তাহাদের দৃষ্টি উচ্চ লক্ষ্য এবং সফলতার দিকেও আকৃষ্ট হওয়া উচিত। যদি তাহারা জাতীয় সাফল্যের স্মৃতিকে জাগরুক রাখে এবং নিজেদের লক্ষ্যকে স্থির রাখে, তাহা হইলে তাহাদিগের উদ্দীপনা বাড়িতে থাকিবে এবং এতদ্বারা জাতি মরিবে না। যদি আনন্দোৎসব পালিত না হয়, অথবা আনন্দোৎসব পালিত হয় কিন্তু

উহার কোন উপলক্ষ্য না থাকে, বরং এক গতানুগতিক প্রথা মাত্র হয়, তাহা হইলে জাতি মরিয়া যায়।

ঐ জাতির আত্মা মরিয়া যায়

এবং কেবল ছবি বাকী থাকিয়া যায়। দৃষ্টান্তস্বরূপ, ঝাড়ুদারগণের মধ্যে প্রবাদ আছে যে, তাহাদের পিতৃপুরুষ বাদশাহ ছিল। সালী জাতির মধ্যেও এরূপ প্রবাদ বাক্য পাওয়া যায়, এবং এইজন্য তাহারা জুতা পরে না। তাহাদের মতে যখন তাহারা আবার বাদশাহী লাভ করিবে, তখন তাহারা জুতা পরিবে। যাহা হউক, ইহা সত্য যে, এককালে এইসব জাতির মধ্যে বাদশাহ ছিল। হিন্দুস্থানে আর্ষদের আগমনের পূর্বে দ্রাবিড় জাতি বাস করিত। সম্ভবতঃ সালীগণ ঐ জাতির সহিত সম্বন্ধ রাখিত। কিন্তু তাহারা কেবল প্রবাদবাক্য স্মরণ রাখিয়াছে, কার্যতঃ তাহারা কিছু করে নাই। এইজন্য এই বিষয় শুধু এক প্রাণহীন ছবির আকারে রহিয়া গিয়াছে। বাদশাহাত কখনও আকাশ হইতে আসে না, বরং প্রচেষ্টার ফলে লাভ হয়। কিন্তু তাহাদের মধ্যে আমি কোন প্রচেষ্টা দেখি না এবং তাহারা বাদশাহী পুনরুদ্ধারের জন্য কোন সংগ্রাম করে নাই। সেইজন্য এই জাতি মরিয়া গিয়াছে, তাহারা জীবিত নহে। সুতরাং সাফল্যকে স্মরণ রাখার নিশ্চয় উপকার আছে, তবে শর্ত এই যে, উপলক্ষ্য এবং প্রেরণা থাকা চাই। কিন্তু উপলক্ষ্য ও প্রেরণা যদি না থাকে এবং উহার স্মরণে বস্তুর উত্তাপের সৃষ্টি না হয় এবং মৃত

শিরাসমূহে জীবনের প্রবাহ খেলিয়া না যায়, তাহা হইলে জানিও যে সেই জাতি বাঁচিয়া নাই, মরিয়া গিয়াছে। উহা এক ছবি মাত্র। উহার মধ্যে বাস্তবতা নাই।

আমাদের দেখা কর্তব্য আমাদের ঈদের পশ্চাতে বাস্তব আনন্দের কোন ভিত্তি পাওয়া যায় কি না? যদি আমাদের ঈদের পশ্চাতে বাস্তব আনন্দের কোন ভিত্তি থাকে, তাহা হইলে উহা আমাদের জন্ম কল্যাণের কারণ। কিন্তু যদি তাহা না থাকে, তাহা হইলে প্রত্যেক সমাগত ঈদ আমাদেরকে পূর্বাপেক্ষা প্রাণহীন করিয়া দিবে। কারণ যে কাজ কেবল নকল স্বরূপ করা হয়, উহা নকলকারদের অন্তরে মরিচা লাগাইয়া দেয়। দৃষ্টান্ত স্বরূপ, কোন ব্যক্তি যদি তাহার কোন আত্মীয় বা বন্ধুকে দেখিয়া কৃত্রিম কান্না কাঁদে, তাহা হইলে সে একবার কৃত্রিম কান্না কাঁদিতে পারিবে, কিন্তু দ্বিতীয়বার যদিও সে কৃত্রিম কান্না কাঁদিতে থাকিবে এবং তাহার চক্ষু হইতে অশ্রু প্রবাহিত হইতে থাকিবে, কিন্তু অভিনেতা ও অভিনেত্রীর কান্নায় হৃদয়ে দুঃখের লেশ থাকে না। উভয়ের মধ্যে প্রভেদ এই যে, অভিনেতা ও অভিনেত্রীগণ কান্নায় অভ্যস্ত এবং সে অভ্যস্ত নহে। সেইজন্য সে যদি কোন সময়ে নিজের উপর কৃত্রিম দুঃখের অবস্থা আনে, সে সত্য সত্যই বিষাদিত হয়। সুতরাং যদি ঈদ আসে এবং আমাদের মধ্যে উহার উপলক্ষ্য এবং প্রেরণা আমাদের মধ্যে উত্তাপের সৃষ্টি না করে, আমাদের মধ্যে

জীবনের প্রবাহ খেলিয়া না যায়, তাহা হইলে উহার ফল ইহাই হইবে যে, প্রত্যেক ঈদ আমাদিগকে পূর্বাপেক্ষা বেশী প্রাণহীন করিয়া চলিয়া যাইবে।

কুরআন করীম হইতে জানা যায় যে, ঈদ তিন উপলক্ষ্যের ভিত্তিতে পালন করা হয়। প্রথম—মাহুঘের যখন তাহার প্রিয়তম অর্থাৎ খোদা লাভ হয়। তাহার খোদা লাভ হইলে, তাহার ঈদ সত্যকার ঈদ হইবে। কিন্তু যদি তাহার খোদা লাভ না হয়, তাহা হইলে ঈদ কিসের? বস্তুতঃ যদি ইসলামের প্রথম যুগে ঈদ কাহারও ছিল, তাহা হইলে সে মুসলমানদের। ইহাতে সন্দেহ নাই যে, খৃষ্টানগণও খোদাতায়ালার বিশ্বাসী ছিল। হিন্দুগণও খোদাতায়ালার বিশ্বাসী ছিল। কিন্তু এমন কোন দল নাই যাহারা এ দাবী করে যে, আমরা খোদাকে পাইয়াছি। যদি এমন কোন জামাত ছিল, যাহাদের এ দাবী ছিল যে, আমরা খোদাতায়ালাকে পাইয়াছি, তাহা হইলে সে রশুল করীম (সাঃ) এবং তাঁহার সাহাবা (রাঃ) ছিলেন। সুতরাং যে ব্যক্তি তাঁহার প্রিয়তমকে লাভ করিয়াছে তাহার ঈদ হইয়াছে। কবি গালেব বলিয়াছেন, প্রকৃত আনন্দ সেই ব্যক্তির, যাহার স্কন্ধে তাহার প্রিয়তম মস্তক স্থাপন করিয়া দিয়াছে। সুতরাং প্রকৃত আনন্দ সেই ব্যক্তির যে খোদাতায়ালাকে দেখিয়াছে এবং তাঁহার সহিত বাক্যালাপ করিয়াছে। হযরত মসিহ মওউদ (আইঃ)-এর অভ্যাস ছিল যে, তিনি নিজের নোট বুক বিস্তিন্ন বিষয় নোট

করিতেন এবং পরে ক্ষেত্রামুযায়ী সেগুলিকে মঞ্জুমুনের আকার দিতেন। যখন আমার জ্ঞানুগ্বেষ হইল, তখন আমি ঐ প্রকার নোটের অনুসন্ধান করিতাম, যাঁহা কোন পুস্তক বা খবরের কাগজে ছাপা হয় নাই। যদি কোন অপ্রকাশিত নোট পাইতাম, তাহা হইলে উহা তশহীযুল আযহান পত্রিকায় ছাপিয়া দিতাম। একদিন আমি তাঁহার নোট বুক হইতে অপ্রকাশিত নোটের অনুসন্ধান করিতেছিলাম। দেখিলাম এক স্থানে লিখা আছে, ছুনিয়া আমাকে ভয় দেখায়, ছুশমন আমাকে ধমক দেয়, তাহার আমাকে আতঙ্কিত করিতে চাহে। কিন্তু আমি আশ্চর্যায়িত হই যে, তাহার কেমন করিয়া ভাবে যে তাহার তাহাদের পরিকল্পনা এবং ভীতি প্রদর্শনে সফলকাম হইবে। যদি কাহারও মধ্যোভয়ের প্রবণতা থাকে, তাহা হইলে সে ভীত হইবে। কিন্তু আমি যখন বালিশে মাথা রাখি, খোদাতায়ালার আমার নিকট আসেন এবং বলেন, আমি তোমার সঙ্গে আছি। যখন খোদাতায়ালার স্বয়ং আমার নিকটে আসিয়া বলেন যে আমি তোমার সঙ্গে আছি, তখন আমি কি বিরুদ্ধবাদীদেরকে ভয় করি! সুতরাং খোদাতায়ালার যাহার সঙ্গে থাকেন, অপর কাহারও শক্তি নাই যে তাহার কোন ক্ষতি করে।

রশুল করীম (সাঃ)-এর দৃষ্টান্ত আমাদের সম্মুখে রহিয়াছে। রশুল করীম (সাঃ) হযরত আবু বকর (রাঃ)-কে সঙ্গে করিয়া সওর গুহায় আশ্রয় গ্রহণ করেন। ছুশমনগণ অনুসন্ধান-

কারীদের সঙ্গে লইয়া তাঁহার খোঁজে সত্তর গুহায় পৌঁছিল। সাধারণ মুসলমানগণের ধারণা অনুযায়ী উহা কোন ছোট গর্ত ছিল, যাহা দেড় গজ লম্বা এবং দেড় গজ চওড়া এক স্থান ছিল। বস্তুতঃ উহাতে চব্বিশ পঁচিশ জন মানুষ বসিতে পারিত। এমন প্রস্তুত জায়গায় দৃষ্টিপাত করা কোন কঠিন কাজ ছিল না। রশুল করীম (সাঃ) এবং হযরত আবু বকর (রাঃ) এই গুহার মধ্যে একদিকে বসিয়াছিলেন। গুহার মুখে আসিয়া অনুসন্ধান-কারীগণ বলিল, যদি মোহাম্মাদ (সাঃ) যমীনে থাকেন, তাহা হইলে তিনি এই গুহার মধ্যে আছেন। হযরত আবু বকর (রাঃ) ইহাতে শঙ্কিত হইলেন এবং ভাবিলেন, এমন না হয়, হুশমন নবী করীম (সাঃ)-কে দেখিয়া ফেলে এবং ছুঁথ দেয়। তাঁহার চেহারা বিবর্ণ হইয়া গেল। যখন রশুল করীম (সাঃ) এই অবস্থা দেখিলেন, তিনি বলিলেন, لا تحزن ان الله معكم আবু বকর (রাঃ) তুমি শঙ্কিত হইতেছে কেন? খোদাতায়লা আমাদের সঙ্গে আছেন। এইরূপ ক্ষেত্রে তাঁহার এই বিশ্বাস ও প্রত্যয় এই কথার প্রমাণ যে খোদাতায়লা তাঁহার সঙ্গে ছিলেন। হযরত মসীহ মওউদ (আঃ)-এর বিরুদ্ধে ইং ১৯০২ সালে বিরুদ্ধবাদীগণ এক মোকদ্দমা করিয়াছিল। যে ম্যাজিস্ট্রেটের নিকট এই মোকদ্দমা বিচারের জন্ত দায়ের ছিল, সে আর্ঘ ছিল। তাহাকে আর্ঘ নেতাগণ লাহোরে ডাকিয়া শপথ দিল যেন সে নিশ্চয় এই মোকদ্দমায় মীর্থা সাহেবের বিরুদ্ধে

আহমদী

লেখরামের (মৃত্যুর) প্রতিশোধ গ্রহণ করে। সে তাহার নেতাদের সম্মুখে ইহার প্রতিজ্ঞা করিল। খাজা কামালউদ্দিন সাহেবের নিকট এই বিষয়ের বিস্তারিত সংবাদ পৌঁছিল।

হযরত মসীহ মওউদ (আঃ)

মোকদ্দমা সম্পর্কে গুরুদাসপুরে অবস্থানরত ছিলেন। খাজা কামালউদ্দিন তাঁহাকে বলিলেন যে, এই মোকদ্দমায় যেমন করিয়া হউক আপোস মীমাংসা করা প্রয়োজন, কারণ ইহা পাকা কথা যে, ম্যাজিস্ট্রেটকে লাহোর ডাকিয়া তাহার নিকট হইতে প্রতিজ্ঞা নেওয়া হইয়াছে যে সে যেন নিশ্চয় সাজা দেয় এবং সেও সাজা দেওয়ার প্রতিজ্ঞা করিয়াছে। হযরত মসীহ মওউদ (আঃ) শুইয়াছিলেন। খাজা কামালউদ্দিন সাহেবের কথা লম্বা করার অভ্যাস ছিল। তিনি বলিলেন, হুজুর! নিশ্চয় সে কয়েদের সাজা দিবে। বিরুদ্ধ পক্ষের সহিত আপোস করা উত্তম হইবে। হযরত মসীহ মওউদ (আঃ) কহুইয়ের উপর ভর করিয়া উঠিয়া বসিলেন এবং বলিলেন, খাজা সাহেব! খোদাতায়লার সিংহের গায়ে হাত দেওয়া সহজ ব্যাপার নহে—

আমি খোদাতায়লার সিংহ।

সে আমার গায়ে হাত দিয়া দেখিয়া লউক। তদনুযায়ী এইরূপই হইল। হুই মেজিস্ট্রেট এই মোকদ্দমার বিচারের জন্ত নিযুক্ত হইয়াছিল। তাহাদের মধ্যে একজনের ছেলে পাগল হইয়া গেল। তাহার স্ত্রী তাহাকে লিখিল (সে হযরত

১৫ই সেপ্টেম্বর—১৯৭৬ ইং

মসিহ মওউদ (আ)কে হামুর মানিত না) যে, ছুমি এক মুসলমান দরবেশের অবমাননা করিয়াছি। তাহার ফলে তোমার এক ছেলে পাগল হইয়া গিয়াছে। এখন দ্বিতীয় ছেলের জন্ত ছশিয়ার হইয়া যাও। সে শিক্ষিত ছিল এবং এ সব কথা বিশ্বাস করিত না। সে এদিকে অক্ষিপ্ত কলি না। ফলে তাহার দ্বিতীয় ছেলে নদীতে ডুবিয়া মরিল। সে রাবি নদীতে গোসত করিতে গিয়াছিল। সে যখন নদীতে নামিয়া গোসল করিতেছিল, তখন এক কুমার আসিয়া তাহার পা ধরিয়া টানিয়া লইয়া যায় এবং এইভাবে তাহার মৃত্যু ঘটে। সেই ম্যাজিস্ট্রেট হযরত মসিহ মওউদ (আ)-কে এরূপ কষ্ট দিত যে,

মোকদ্দমার শুনানীর সময়

সারাক্ষণ তাঁহাকে দাঁড় করাইয়া রাখিত। পিপাসা লাগিলে তাঁহাকে পানি পান করিতে দিত না। একবার খাজা সাহেব পানি পান করার জন্ত অহুমতি চাহিয়াছিলেন। কিন্তু সে অহুমতি দেয় নাই। পরে তাহার এরূপ অবস্থা ঘটিয়াছিল যে সে স্বয়ং আমার নিকট দেওয়ার দরখাস্ত করিল। তখন আমার অল্প বয়স ছিল, বিশ বাইশ বৎসর হইবে। আমি কোথাও যাইবার জন্ত যখন স্টেশনে দাঁড়াইয়াছিলাম, সে আমার নিকট আসিল এবং একঘণ্টা আমার নিকট দাঁড়াইয়া থাকিল এবং সে দরখাস্ত করিল যে, আমার জন্ত দোওয়া করুন যেন এ আযাব যে কোন উপায়ে হউক টলিয়া যায়। দ্বিতীয় ম্যাজিস্ট্রেট বাহ্যতঃ হযরত মসীহ মওউদ (আ)-কে কোন কষ্ট দেয় নাই, কিন্তু শেষকালে

সে তাঁহাকে জরিমানার দণ্ড দেয়। (এই জরিমানা আপিলে মাফ হইয়া যায়—অমুবাদক)। সেও লাজ্জিত ও অপমানিত হয় এবং চাকরী হইতে বরখাস্ত হয়। এই সব বিষয় স্পষ্টই বলিয়া দিতেছে যে, যে খোদাতায়ালা হইয়া যায়, ছশমন যদি তাহাকে কোন বিপদে ফেলিতে চায়, তাহা হইলে উহা সাময়িক হইবে। সুতরাং এক ঈদ ঐ ব্যক্তির, যে তাহার প্রিয়তম অর্থাৎ খোদাকে লাভ করিয়াছে, এবং ইহা সেই সত্যকার ঈদ ছিল, যাহা সাহাবা (রাঃ) লাভ করিয়াছিলেন। তেমনভাবে এই ঈদ খোলাফায়ে রাশেদীনের যুগে এবং তাঁগদের পরে দীর্ঘ সময় পর্যন্ত বর্তমান ছিল। কিন্তু পরে এমন এক যুগ আসিল যে খোদাতায়ালাকে লাভ করা দূরে যাউক, মুদলমানগণ বলিতে আরম্ভ করিল যে, খোদাতায়ালাকে লাভ করাই যায় না এবং তিনি কাহারও সহিত কথা বলেন না, অথচ এখনও খোদাতায়ালা তাঁহার বান্দাগণের সহিত বাক্যালাপ করেন এবং তাহার প্রত্যেক কাজে সাহায্য করিয়া থাকেন। এ সম্বন্ধ আমার ব্যক্তিগত অভিজ্ঞতা আছে। একবার কোন কষ্টে পড়ি। তখন আমি আমার দোওয়ার মধ্যে শক্তি সৃষ্টি করার উদ্দেশ্যে মনস্থ করিলাম যে যতক্ষণ পর্যন্ত আমার কষ্ট ছুর না হয়, আমি মাটিতে শয়ন করিব।

আমাদের সুফীগণের মধ্যে এরূপ প্রচলন ছিল। এইভাবে খ্রীষ্টানদের মধ্যেও এরূপ প্রচলন দেখা যায় যে, নিজেকে কোনরূপ কষ্টে ফেলিয়া খোদার করুণা আকর্ষণ করা। যাহা হউক

আমি মনস্থ করিলাম যে, যতক্ষণ পর্যন্ত না আমার কষ্ট ছর হয়, আমি মাটিতে শয়ন করিব। প্রথম দিন যখন আমি মাটিতে শয়ন করিলাম, আমার চক্ষু সবে বন্ধ হইয়াছিল, আমি দেখিলাম খোদাতায়ালার এক গুণ মানুষের মূর্তি ধরিয়া আমার সম্মুখে আসিল। তাহার হস্তে, তাযা নরম ও পেলব সবুজ ছড়ি ছিল, এবং যেভাবে কেউ কৃত্রিম কোপ প্রকাশ করে, সেইরূপ চেহারা করিয়া তিনি ছড়ি উঠাইলেন এবং আমাকে সম্বোধন করিয়া বলিলেন, 'মাহমুদ' চারপাইয়ের উপর শুবে কিনা? আমার স্মরণ নাই যে, ঐ ছড়ি আমাকে স্পর্শ করিয়াছিল কি না, কিন্তু আমি তৎক্ষণাৎ লাফিয়া চারপাইয়ের উপর যাইবার চেষ্টা করিলাম এবং যখন আমার চক্ষু খুলিল, আমি চারপাইয়ের উপরে ছিলাম। সুতরাং এখনও খোদাতায়ালার নিজ বান্দাগণের সহিত এত মহত্ত্ব করেন যে, তিনি ইহাতে কষ্ট অনুভব করেন যে, কেন বান্দা নিজে নিজে কষ্টে ফেলে এবং সে কেন এ কথা ধরিয়া লইয়াছে যে, যতক্ষণ পর্যন্ত না সে নিজে কষ্টের মধ্যে ফেলিবে, ততক্ষণ পর্যন্ত আমি তাঁহার কথা শুনিব না। যাহা হউক এই ঘটনার পর আমার মন হাল্কা হইয়া যায় এবং কষ্ট যাহা ছিল উহা অল্পকাল পরে ছর হইয়া যায়। কিন্তু যতক্ষণ পর্যন্ত ঐ কষ্ট কায়েম ছিল, উহা আমার মনের উপর কোন প্রভাব বিস্তার করিতে পারে নাই। আমি বুঝিতেছিলাম যে, খোদাতায়ালার যখন পছন্দ করেন নাই যে, আমি মাটিতে শয়ন করি, এবং আমার কথা আহমদী

জানাইবার জন্ত নিজে কষ্টে ফেলি, তখন ভবিষ্যতেও তিনি ইহা কিভাবে পছন্দ করিবেন যে, আমি কষ্ট পাই। যাহা হউক, এই সকল উপলক্ষ্যের জন্য সাহাবা (রাঃ) ঈদ পালন করিতেন! উহাদের মধ্যে এক উপলক্ষ্য এই ছিল যে, তাহাদের খোদা প্রাপ্তি ঘটে।

ঈদ পালনের দ্বিতীয় উদ্দেশ্য

যাহা কুরআন করীম হইতে বুঝা যায়, উহা এই যে, ব্যক্তিগত উন্নতি ছাড়া জাতীয় উন্নতিও একরূপ পরিমাণ লাভ হওয়া যে, জাতি যেরূপে মুখ ফিরাইবে সেই দিকেই বিজয়ের পর বিজয় করতলগত হইবে। সাহাবা (রাঃ) এত বিজয় লাভ করিয়াছিলেন যে, তাঁহারা যেরূপে মুখ ফিরাইতেন, বিজয় এবং এলাহী সাহায্য তাঁহাদের সঙ্গী হইয়া গিয়াছিল এবং একরূপ মনে হইত যেন তাঁহারা অসুর, তাঁহারা যেরূপে মুখ ফিরাইতেন পৃথিবীকে সেই দিকেই তাঁহারা পদানত করিয়া যাইতেন। প্রথম বস্ত্র আধ্যাত্মিক এবং ব্যক্তিগত ছিল এবং শেষোক্ত বস্ত্র জড় জাতীয় ছিল, যাহার জন্ত সাহাবা (রাঃ) ঈদ পালন করিবার অধিকারী ছিলেন।

তৃতীয় উপলক্ষ্য

ঈদ পালনের ইহা হইত যে, জাতীয় নৈতিক চরিত্র একরূপ উচ্চাঙ্গের হইবে যে, কেহ যেন কাহারও উপর যুলুম না করে এবং প্রত্যেকে বুঝে যে তাহার হক নিরাপদ রহিয়াছে। সাহাবা (রাঃ) নৈতিক চরিত্রের দিক দিয়া একরূপ উচ্চ মার্গে অবস্থিত ছিলেন যে, তাঁহাদের যুগে প্রত্যেক

ব্যক্তির হক নিরাপদ ছিল এবং তাঁহারা কাহারও উপর যুলুম করিতেন না। কিন্তু আজকাল আমরা দেখি যে, বাজারে এক এক পয়সার জন্ম বাগড়া হইয়া যায়।

সাহাবা (রাঃ)-এর অবস্থা এরূপ ছিল যে এক সাহাবী (রাঃ)-এর নিকট এক বুদ্ধ আসিল এবং বিক্রয়ের জন্ম নিজ ঘোড়া পেশ করিল। তিনি বুদ্ধকে ঘোড়ার দাম জিজ্ঞাসা করিলেন। সে এক হাজার দিনার চাহিল। সাহাবী (রাঃ) বলিলেন আমি ঘোড়া খরিদ করিব কিন্তু এই দাম ঠিক নহে। এই ঘোড়ার দাম ছই হাজার দিনার। বুদ্ধ গ্রামের দাম বলিতেছিল এবং স্বস্থানে সে ঠিক বলিয়াছিল, কিন্তু সাহাবী (রাঃ) জানিতেন যে শহরে আসিলে জিনিষের মূল্য বিক্রয় বাড়িয়া যায়। কিন্তু বুদ্ধ এক হাজার দিনারের বেশী গ্রহণ করিতে রাজী ছিল না। সেই সাহাবী (রাঃ) ছই হাজার দিনারের কম মূল্য দিতে রাজী ছিলেন না। এবং বলিলেন আমি হারাম খাইব কেন? যেখানে নৈতিক চরিত্র এরূপ সেখানে অশ্বের হক কিভাবে মারা যাইতে পারে? যদি কোনো জাতির

নৈতিক চরিত্র এইরূপ উচ্চ মার্গে পৌছায় তাহা হইলে তাহাদের মধ্যে মজহুর ইত্যাদি-গণের বাগড়া বিবাদ কেন হইবে এবং যুলুমের ধ্বনি উঠিবে কেন? যাহা হউক ইং তৃতীয় উপলক্ষ্য, যে জন্ম সাহাবা (রাঃ) ঈদ পালন করিবার অধিকারী ছিলেন এবং তাহাদের ঈদ সত্যকার ঈদ ছিল। সে যুগের একান্ত সাধারণ

আহমদী

মাছুষের মধ্যেও এই দৃশ্য এত বেশী নজরে পড়ে যে, দেখিয়া অবাক হইতে হয়।

যে জাতির মধ্যে এইরূপ লোক পাওয়া যায়, যাহারা খোদাকে লাভ করিয়াছে, যে জাতির মধ্যে এইরূপ লোক পাওয়া যায়, যাহারা কেবল ব্যক্তিগত এবং আধ্যাত্মিক উন্নতিই লাভ করে নাই বরং জাতিগতভাবেও উন্নতি লাভ করিয়াছে এবং তাহারা যদিকে মুখ ফিরাইয়াছে বিজয়ের পর বিজয় লাভ করিয়া গিয়াছে, জাতির মধ্যে এরূপ উচ্চ নৈতিক চরিত্রের লোক পাওয়া যায়, যাহাদের যুগে কাহারও হক মারা যাইবার খেয়াল পর্যন্ত সৃষ্টি না হয়, সেই জাতি সত্যকার ঈদ পালন করার অধিকারী, সেই জাতি সত্যকার আনন্দোৎসব করিবার অধিকারী।

পৃথিবীতে কি এখনও এরূপ জাতি পাওয়া যায়? ইহার উত্তর নিশ্চয় "না" হইবে। মোহাম্মদ রমুল (সাঃ) এজন্ম ঈদ পালন করিতেন যে, তাহার প্রিয়তমকে অর্থাৎ

খোদাতায়ালাকে

তিনি লাভ করিয়াছিলেন এবং মুসলমানগণ এই জন্ম ঈদ পালন করিতেন যে, তাহারা তাহাদের পিতৃপুরুষের উত্তরাধিকার লাভ করিয়াছিল এবং তাহাদের হুকুমত পৃথিবীতে কায়েম হইয়া গিয়াছিল। কিন্তু

প্রশ্ন এই

যে, আজ একজন মুসলমান কেন ঈদ পালন করে? সে কি এই জন্ম ঈদ পালন করে যে, তাহার পিতৃপুরুষের সম্পত্তি এক এক করিয়া সব হাত হইতে চলিয়া গিয়াছে? সে কি এই

১৫ই সেপ্টেম্বর—১৯৭৬ ইং

জ্ঞান আনন্দিত যে আধ্যাত্মিক সম্পদ এক এক করিয়া তাহার হাত হইতে চলিয়া গিয়াছে? সে কি এই জ্ঞান আনন্দিত যে, শ্রায় বিচার হইতে সে হাত ধুইয়া বসিয়া আছে? ব্যাপার কি? সে কোন বিষয়, যে জ্ঞান সে খুশী হইয়া ঈদ পালন করিতেছে? সে কি পরণের জ্ঞান নূতন কাপড় এবং খাইবার জ্ঞান রকম রকমের খাবার পাইয়া আনন্দিত? সত্য কথা এই যে, প্রথম যুগে ঈদ ছিল পুরস্কার এবং এখন উহা কষাঘাত। প্রত্যেক ঈদ, য'হা আসে, আমাদিগকে জিজ্ঞাসা করে, বল, তোমরা ঈদ কেন পালন করিতেছ? আমরা অবশ্য বাহ্যিকভাবে ঈদ পালন করিয়া থাকি, কিন্তু উহার উপলক্ষ্য এবং প্রেরণা আমাদের মধ্যে বর্তমান নাই। প্রত্যেক মুসলমান

মৃত্যু পরের জীবন

সম্বন্ধে বিশ্বাসী। তাহার প্রত্যয় থাক বা না থাক, সে একথা বুঝে যে, একদিন না একদিন সে খোদাতায়ালার সম্মুখে পেশ হইবে এবং সেখানে রশূল করীম (সাঃ)-ও থাকিবেন তাহার

চিন্তা করা উচিত

যে, সে তাহার খেদমতে কি নয়রানা লইয়া যাইবে এবং কোন উপহার তাহার সম্মুখে হাজির করিবে? তিনি তাহাকে জিজ্ঞাসা করিবেন, আমার উশ্মতের কি অস্থি ছিল? তখন সে কি এই উত্তর দিবে, তাহাদের ধর্ম সম্বন্ধে কোন চিন্তা নাই। যদি সে এই

উত্তর দেয়, তাহা হইলে তিনি আবার প্রশ্ন করিবেন, তুমি এ অস্থির জ্ঞান কি করিয়াছিলে? ইহাতে কি সে এই উত্তর দিবে যে আমি আমার স্ত্রী পুত্র পরিজনদের চিন্তায় মগ্ন ছিলাম, জাতির সংবাদ কিরূপে লইতাম? তাহার এই উত্তরে কি রশূল করীম (সাঃ) সন্তুষ্ট হইবেন এবং তাহার দৃষ্টিতে কি ঐ ব্যক্তি কোন সম্মান পাইবে? পৃথিবীতে প্রত্যেক কাজের এক সোপান আছে। রশূল করীম (সাঃ) বলিয়াছেন :

ঈমানের তিনটি সোপান আছে।

প্রথম, অস্থায় দেখিলে ক্ষমতা থাকিলে উহার প্রতিকার করিবে। দ্বিতীয়, যদি ক্ষমতা দিয়া উহার প্রতিকার সম্ভব না হয়, তাহা হইলে উহার বিরুদ্ধে ওয়ায নসীহত করিবে। তৃতীয়, যদি তাহার মধ্যে এ সাহস না থাকে যে ঐ মন্দের বিরুদ্ধে উপদেশ দেয়, তাহা হইলে অন্তঃ মনে মনে সে যেন উহাকে মন্দ জানে। কিন্তু যদি সে মনেও মন্দ না জানে, তাহা হইলে তাহার ঈমানের কোন মর্যাদা থাকে না। যদি কোন মুসলমান প্রথম দুইটি বিষয়ের কোন একটিও করিতে না পারে, তাহা হইলে তে অন্তঃ খোদাতায়ালার দরবারে অবনত হইয়া অশ্রুধারা তো বহাইতে পারিবে? যদি মুসলমান এ কাজও করে, তাহা হইলেও ঈদ তাহার জ্ঞান আনন্দের উৎসব, নচেৎ তাহার ঈদ কোন আনন্দের উৎসব নহে।

আজ তবলীগের ময়দান খালি পাড়িয়া আছে ?

যদি তাহারা অত্মদের সম্মুখে ইসলামের খাঁটি শিক্ষাকে তুলিয়া ধরিতে পারে, রশুল করীম (সাঃ) এবং সাহাবা (রাঃ)-এর কুরবানীর কাহিনী সকলের সম্মুখে আনে, তাহা হইলে কোন কারণ নাই যে, ছনিয়ার বিশেষ অংশ ইসলামে দাখিল না হয়। যাহারা এ কাজ করিতে পারে না, তাহারা অর্থিক কুরবানী করুক। তাহারা যদি ইহা করিতে না পারে তাহা হইলে অন্ততঃ রাতে ... অ'ল্লাহ'র দরবারে কাঁদিয়া বলুক যে, হে আল্লাহ, আমি দুর্বল, আমি তোমার পথে না কষ্ট সহ্য করিতে পারি, না আর্থিক কুরবানী পেশ করিতে পারি। আমার কোন ক্ষমতা নাই কিন্তু তোমার সকল ক্ষমতা আছে।

তুমিই ইসলামের বিজয় দাও

তুমি ইসলামকে সেই বিজয় দাও, যাহা তাহার পূর্বে ছিল। যদি খোদাতায়ালার দরবারে পড়িয়া সে কয়েক বিন্দু অশ্রুও ফেলিতে না পারে, তাহা হইলে তাহার ঈদ অর্থহীন। প্রকৃতপক্ষে আজকালের ঈদ এক কষাঘাতের

রূপে আসে এবং আমাদিগকে বলে, বল! তোমরা কিসের ভিত্তিতে ঈদ পালন কর? আমরা একদিকে এই কথা বলার দাবীদার যে রশুল করীম (সাঃ) আমাদের সরদার (নেতা) এবং অত্মদিকে আমরা তাঁহার সরদারী ছিনাইয়া লওয়া দেখিতেছি। প্রত্যেক স্থানে তাঁহার ধর্ম মফলুম, কিন্তু আমরা নিশ্চিন্ত বসিয়া আছি। সুতরাং আমরা কিসের ঈদ করিতেছি? ইহা এক প্রশ্ন যাহা আমাদের প্রত্যেককে নিজের মনকে জিজ্ঞাসা করা কর্তব্য।

যদি সত্যকারভাবে আমাদের মধ্যে জানী ও মালী কুরবানীর প্রেরণা পাওরা যায়, যদি আমরা কাঁদিয়া কাঁদিয়া আল্লাহুতায়ালার নিকট সাহায্য চাই তাহা হইলে আমাদের ঈদ সত্যিকার ঈদ এবং আমরা আল্লাহুতায়ালার ও রশুল করীম (সাঃ)-এর সম্মুখে চোখ তুলিয়া চাহিবার যোগ্য। নচেৎ আমাদের ঈদ কিছুই নহে, বরং প্রত্যেক ঈদ আমাদিগকে পূর্বপেক্ষা অধিকতর প্রাণহীন করিয়া দিবে।

(আলফয়ল—৮ই এপ্রিল ১৯৫৯ খৃঃ অব্দ)।

অমুবাদ—মোহাম্মাদ,
অ'মীর বা: আ: আ:

ঈদ মোবারক

আমরা সকল পাঠক পাঠিকার খেদমতে আন্তরিক ঈদ মোবারকবাদ পেশ করিতেছি এবং এই অমুরোধ জানাইতেছি, আপনাদের পক্ষ হইতে পাক্ষিক আহমদীর চাঁদা সত্তর পাঠাইয়া আল্লাহুতায়ালার সন্তোষ ভাজন হউন। —ম্যানেজার।

হযরত ইমাম মাহদী (আঃ)-এর সত্যতা

মুণ্ড : হযরত মীর্যা বশীরউদ্দীন মাহমুদ আহমদ, খাঁসফাতুল মসীহ সানী (রাঃ)

আবানুদ : মোহাম্মদ খাঁসপুর রহমান

(পূর্ব প্রকাশিতের পর—৫)

হযরত মুহাম্মদ (সাঃ)-এর উম্মতের মধ্যে হতেই “মসীহ মওউদ” প্রতিশ্রুত মসীহের আগমন :

আমাদের বিরুদ্ধে দ্বিতীয় আপত্তি হলো এই যে, আমরা বিশ্বাস করি যে, হযরত রসুল করীম (সাঃ)-এর অনুসারী উম্মতের মধ্য হতে আমাদের মধ্যে “মসীহ মওউদ” বা প্রতিশ্রুত মসীহের আবির্ভাব হয়েছে।

এ কথা সত্য যে আমরা আহমদীয়া জামাতের প্রতিষ্ঠাতা হযরত মীর্যা গোলাম আহমদ সাহেবকে (পূর্ব পাঞ্চাবের অন্তর্গত গুরুদাসপুর জিলার কাদিয়ান নামক গ্রামের অধিবাসী) প্রতিশ্রুত মসীহ ও মাহদী হিসাবে গ্রহণ করেছি।

বলাবাহুল্য যে আমাদের এই বিশ্বাস অস্থান্য মুসলমানদের বিশ্বাসের অনুরূপ নয়। অন্যান্য মুসলমানদের বিশ্বাস এই যে, প্রতিশ্রুত মসীহ (আঃ) সশরীরে আসমান হতে নামেল হবেন অর্থাৎ অবতরণ করবেন।

যেহেতু পবিত্র কুরআন এবং হাদীসের বর্ণনামুযায়ী হযরত ঈসা (আঃ) অন্যান্য মরণ-শীল মানুষের ন্যায় এস্তেকাল করেছেন বলে সপ্রমাণিত, সেজন্য মরিয়ম-পুত্র যীশু পুনরাগমন বলতে সেই যীশুরই সশরীরে পুনরাগমন বুঝাতে পারে না। যীশু পুনরাগমনের অর্থ নিশ্চয়ই ইহাই যে, যীশুর আত্মিক গুণ ও শক্তি সম্পন্ন অন্য এক ব্যক্তির আগমন হবে। দু হাজার বছর আগেকার যীশুই সশরীরে পুনরাগমন হবে একরূপে ধারণা নিতান্তই অর্থহীন। ওফাত-প্রাপ্ত নবীদের মধ্য হতে কোন একজনকে খোদাতায়ালা পুনরায় পৃথিবীতে পাঠাবেন একরূপ হতে পারে না। তাঁর সৃষ্ট জগত হতে তিনি কোন ব্যক্তিকে নতুনভাবে পাঠাতে পারেন। এ সম্বন্ধে কোন সন্দেহ পোষণ করার অর্থ আল্লাহতায়ালা শক্তি সম্বন্ধে সঠিক ধারণা না থাকা। মরিয়ম-পুত্র যীশুর সশরীরে পৃথিবীতে পুনরাগমন আল্লাহতায়ালা শক্তিরই নয়, তাঁর প্রজ্ঞার জন্যও অবমানাকর। হযরত রসুল করীম (সাঃ)-এর আধ্যাত্মিক শক্তির জন্যও ইহা অত্যন্ত অবমানাকর। হযরত রসুল করীম (সাঃ)-এর উম্মতের মধ্যে আধ্যাত্মিক সংস্কার ও পুণর্জীবনের প্রয়োজনীয়তা দেখা দিলে তজ্জন্য এই উম্মত, হযরত

রশুল করীম (সাঃ)-এর উম্মতের বাহির হতে আগমনকারী অন্য কারো, [অর্থাৎ হযরত মুসা (আঃ)-এর উম্মতের নবী ঈসা (আঃ) এর] মুখাপেক্ষী হয়ে থাকতে পারে না।

যে খৃষ্টানরা হযরত রশুল করীম (সাঃ)-এর মর্ঘাদাকে স্বীকার করে না, তাদের এক্রপ করা সংগত কারনেই যুক্তিযুক্ত হবে যদি আমরা এই ধারণা পোষণ করতে থাকি যে, আমাদের প্রয়োজনের মুহুর্তে আমরাদিগকে দু, হাজার বছর পূর্বেকার যীশুই পুনরায় আবির্ভূত হয়ে আমাদেরকে নেতৃত্ব দিবেন এবং হযরত রশুল করীম (সাঃ)-এর উম্মতের মধ্য হতে কোন ব্যক্তি তা করতে পারবেন না। হযরত রশুল করীম (সাঃ)-এর উম্মতের সংস্কারের জন্য তাঁরই উম্মতের এক ব্যক্তিকে পাঠানো হয়েছিল।

তা'হলে হযরত রশুল করীম (সাঃ) এর উম্মতের সংস্কারের জন্ত তাঁরই উম্মত হতে একজন সংস্কারকের আবির্ভাব হতে পারে না কেন? যদি মুসলমানগনের এই বিশ্বাস থাকে যে, হযরত রশুল করীম (সাঃ) এমন একজন নবী যার শরীয়ত কেয়ামত পর্যন্ত স্থায়ী হয়ে থাকবে, তাহ'লে তাঁরা কিছুতেই তাঁদের সংস্কার ও পূণর্জীবনের জন্ত একজন ইসরাইলী নবীর পুনরায়গমনকে স্বীকার করতে পারেন না। হযরত রশুল করীম (সাঃ) স্বয়ং খাতামান নবীয়েন অর্থাৎ নবীগণের মোহর। তাঁর আধ্যাত্মিক মহিমা এবং প্রভাব চিরকালের জন্ত প্রযোজ্য এবং বলবৎ থাকবে। সকল নবীর উপরে হযরত রশুল করীম (সাঃ)-এর স্থান। তাঁর উম্মতের সংস্কারের জন্ত তাঁর নিজ দৃষ্টান্ত এবং প্রভাব প্রতিপত্তিই আমাদের জন্ত যথেষ্ট। তাঁরই উম্মত হতে এক ব্যক্তি এসে মুসলমানদের সংস্কার সাধন করাই যুক্তি সংগত। হযরত রশুল করীম (সাঃ)-এর উম্মতের অন্তর্ভুক্ত এক ব্যক্তির মধ্যমেই আখেরী জামানার জন্ত প্রতিশ্রুত আধ্যাত্মিক বিপ্লব হওয়াই বাঞ্ছনীয়। অন্য কোন প্রকারে এই কাজ সুসম্পন্ন হতে পারে না।

সুতরাং: ইহাই স্থায়সংগত যে হযরত রশুল করীম (সাঃ)-এর ভবিষ্যদ্বাণী অনুযায়ী আগমনকারী মসীহর আবির্ভাব তাঁর উম্মতের মধ্য হইতেই হওয়া আবশ্যিক।

মসীহ্ এবং মাহদী একই ব্যক্তি

আমরা আর একটি প্রশ্নও এখানে রাখতে পারি এবং তা হলো এই যে, বর্তমান কালের জন্ত প্রতিশ্রুত মসীহ ও মাহদী দুজন পৃথক ব্যক্তিত্ব কিনা। সাধারণ ধারণা এই যে তাঁরা দুই ব্যক্তি। কিন্তু আমরা সহী হাদীসে দেখিতে পাই যে, হযরত রশুল করীম (সাঃ) বলেছেন: لا الهدي الا عيسى (লাল্ মাহদীয়ে, ইল্লা ইসা)। অর্থাৎ:— ঈসা ব্যতীত অহু কোন মাহদী নাই (ইবনে মাজা,)। তিনি আবার বলেছেন: كيف انتم اذا نزل فيكم ابن مريم واما مكم مذكم (কায়ফা আনতুন এযা

নাযলা ফিকুম ইবনু মারইয়ামা ওয়া ইমামুকুম মেনকুম) অর্থঃ—তোমাদের অবস্থা কিরূপ হবে যখন তোমাদের মধ্যে ইবনে মরিয়মের আবির্ভাব হবে এবং তোমাদের ইমাম তোমাদের মধ্য হতেই হবে। (বোখারী—কেতাবুল আস্থিরা, নযুলে ঈসা ইবনে মরিয়ম অধ্যায় দ্রষ্টব্য)

উপরোক্ত উদ্ধৃতি হতে এ কথা সুস্পষ্ট যে, হযরত মসীহ (আঃ)-এর সময়ে তিনি ব্যতীত আর কেহ মাহদী হবেন না এবং তিনিই এই উম্মতের ইমাম হবেন—কিন্তু এই উম্মতের মধ্য থেকেই হবেন, বাহির থেকে হবেন না। সুতরাং একজন সত্যিকার মোমেনের উচিত এ বিষয়ে সতর্কভাবে চিন্তা ভাবনা করা। যদি কোথাও মসীহ ও মাহদী দুই ভিন্ন ব্যক্তিরূপে বর্ণিত হয়ে থাকেন, তাহলে আমাদের উচিত—“ল'ল মাহদীয়ু ইল্লা ঈসা” এই সুস্পষ্ট হাদীসের আলোকে অর্ধোপলব্ধি করা। তাহলে আমরা অন্যান্য হাদীস সহজভাবে ব্যাখ্যা করতে সমর্থ হবো। আমরা বলতে পারি যে, প্রতিশ্রুত ব্যক্তি একজন সাধারণ সংস্কারক অর্থাৎ ‘মাহদী’ হিসাবে জীবন শুরু করবেন—এবং তারপর তাঁকে মসীহের দায়িত্ব অর্পন করা হবে অর্থাৎ তিনি প্রতিশ্রুত মসীহ হিসাবে পরিচিত হবেন। যদি আমরা এভাবে ব্যাখ্যা না করি তাহলে আমাদের পক্ষে অন্য কোন প্রকারে হাদীসের বর্ণনা সমূহের সামঞ্জস্যপূর্ণ ব্যাখ্যা দেওয়া সম্ভব নয়। কারণ কোন কোন হাদীসে মসীহ ও মাহদীকে দুই ব্যক্তি এবং কোন কোন হাদীসে একই ব্যক্তি বলে বর্ণনা করা হয়েছে। প্রথমোক্ত হাদীস গুলোকে রূপক অর্থে গ্রহণ করলে আপাতঃদৃষ্ট পারস্পরিক বিরোধিতা দূরীভূত হয়। নবীগন বহুক্ষেত্রে রূপক বর্ণনাপদ্ধতি ব্যবহার করেন, আর সেই সকল রূপক বর্ণনা ভবিষ্যদ্বানী সমূহকে অধিকতর অর্থবহ করে তোলে।

‘নযুল’ শব্দের অর্থ :

হাদীস-সমূহে ব্যবহৃত ‘নযুল’ نزول শব্দের অর্থ নিয়ে অনেকে বিপদে পড়ে থাকেন। ‘নযুল’ শব্দের শাব্দিক অর্থ হলো অবতীর্ণ হওয়া বা অবতরণ। সুতরাং অনেক লোকের ধারণা এইরূপ দাঁড়িয়েছে যে, প্রতিশ্রুত মসীহ শুধু আসমান হতেই অবতরণ করতে পারেন এবং সেজন্যই হযরত ঈসা (আঃ)-কে শরীরে আসমানে জীবিত রাখা হয়েছে।

সৌভাগ্যক্রমে ইহা প্রমাণ করা খুবই সহজ যে, ‘নযুল’ শব্দটি সর্বদা কোন উচ্চস্থান হতে অবতীর্ণ হওয়া বা অবতরণ করাকে বুঝায় না। ইহার দ্বারা নযুল বা অবতরণের গুরুত্ব এবং সুদূর-প্রসারী তাৎপর্যকে বুঝানো হয়ে থাকে। যে জিনিষটির অবতরণ হওয়ার কথা, তার দ্বারা খোদাতালার পরাক্রম ও শক্তিরই নিদর্শনকে বুঝানো হয়ে থাকে। এ সম্বন্ধে আমরা পবিত্র কুরআনে সমর্থনকারী যথেষ্ট আয়াত দেখতে পাই। দৃষ্টান্তরূপে কয়কটি আয়াত নিচে দেওয়া হলো :—

“ছুম্মা আনযালাল্লাহু সাকিনাতাহু আলা রাসুলেহী”

অর্থ:—আল্লাহতালা তাঁহার রসুলের উপর শাস্তি অবতীর্ণ করেন। (সূরা তাওবা : ২৬)।

“ছুম্মা আনযালা আলায়কুম মেম্ব বা' দেল গাম্মে আমানাতান হুয়াসা”

অর্থ:—হুঃখ বেদনার পর তিনি তোমাদের উপর শাস্তি অবতীর্ণ করেন— যা তোমাদের একটি দলকে নিদ্রাচ্ছন্ন করে দিল। (আল-ইমরান : ১৫৫)।

“ওয়া আনযালা লাকুম মেনাল আনয়ামে ছামানিয়াতা আজ্জওয়াজ্জ”

অর্থ:—তিনি তোমাদের জন্তু আটটি জোড়া গবাদিপশু অবতীর্ণ করেছেন। (যুমুর : ৭)।

قَدْ أَنْزَلْنَا عَلَيْكُمْ لِبَاسًا يُوْرِي سِوَاكُمْ وَرِيْشًا

লেবাসাই ইউওয়ারি সাওআতেকুম ওয়ারিশা) অর্থ:—আমরা নিশ্চয়ই তোমাদের জন্তু বস্ত্র অবতীর্ণ

করেছি যার দ্বারা তোমরা লজ্জা নিবারণ করতে পার। (সূরা আরাফ : ২৭)

وَأَنْزَلْنَا عَلَيْكُمُ الْمُنَّ وَالسُّلُوْيَ (ওয়া আনযালনা আলায়কুমল মন্বাওয়াল

সালওয়া—)

অর্থ:—আমরা তোমাদের উপর মন্বা ওয়া সালওয়া অবতীর্ণ করেছি। (সূরা বাকার : ৫৮)

وَأَنْزَلْنَا الْحَدِيْدَ (ওয়া আনযালনাল হাদীদ) অর্থ:—এবং আমরা লৌহ

অবতীর্ণ করেছি। (সূরা হাদীদ : ২৬)।

আল্লাহতায়ালা উপরিলিখিত মহাদান সমূহ তথা—শাস্তি, পশু-প্রাণী, খাত্ত-জব্বা, লৌহ

ইত্যাদি জিনিস পৃথিবীতেই তৈরী হয়। তথাপি এগুলো সম্বন্ধে বলা হয়েছে যে এই মহা-

দানগুলো আসমান হতে নাযেল বা অবতীর্ণ হয়। ইহাই আল্লাহতায়ালা শান এবং মহিমা

প্রকাশক কুরআনের বিশেষ বাগবিধি। এই সকল বস্তু পৃথিবীতেই জন্মে। এ সম্বন্ধে কুরআন

করীম অস্বীকার করে নাই। তবুও এগুলো রূপকভাবে এমনভাবে বর্ণিত হয়েছে যেন

এগুলো আসমান হতেই নাযেল হয়েছে।

হযরত মসীহ (আঃ)-এর আগমন সম্বন্ধে যখন ‘নযুল’ শব্দের ব্যবহার করা হয়েছে

তখন উপরোক্ত অর্থ ব্যতীত ইহার অর্থ কোন অর্থ হতে পারে না। ইহার দ্বারা প্রতিশ্রুত

মসীহ (আঃ)-এর আবির্ভাবের বিশেষ তাৎপর্য, মহিমা ও গুরুত্বকেই বুঝানো হয়েছে। ইহার দ্বারা

কোনক্রমেই বুঝায় না যে, প্রতিশ্রুত মসীহ (আঃ আসমান হতে সশরীরে পৃথিবীতে

নেমে আসবেন।

আমরা কেন ভুলে যাই যে, হযরত মুহাম্মদ (সাঃ) সম্বন্ধেও নযুল শব্দের ব্যবহার

করা হয়েছে: “কাদ আনযালাল্লাহু ইলায়কুম যিক্‌র’র রাসুলা” অর্থাৎ নিশ্চয়ই আল্লাহতালা

তোমাদের নিকট একজন স্মারক বা সম্মান দানকারী রসুল নাযেল করেছেন। (সূরা

তালাক: ১১)। এখানে আশ্চর্যজনক বিষয় এই যে, ‘নযুল’ শব্দটি হযরত রসুল করীম

(সাঃ) সম্বন্ধে ব্যবহৃত হওয়া সত্ত্বেও তাঁকে সাধারণ মানুষের জায় আগমন করতে হয়েছে—

পিতা-মাতার মাধ্যমে জন্ম নিতে হয়েছে, তারপর যথাসময়ে বড়ো হয়ে নবী হয়েছেন।

তথাপি ‘নযুল’ শব্দটি যখন হযরত মসীহ (আঃ) সম্বন্ধে ব্যবহার করা হয়, তখন কেমন

করে তাঁর আকাশ হতে সশরীরে আগমন করা বুঝায়? (ক্রমশঃ)

তু(‘দাওয়াল আমীর’ গ্রন্থের সংক্ষেপিত ইংরাজী সংস্করণ Invitation-এর ধারাবাহিক বঙ্গানুবাদ)।

খোন্দাম ও আভফালের গাজা ৩ (৩)

(বাংলাদেশ মজলিসে খোন্দামুল আহমদীয়া কত্বক সংকলিত)

১। প্রথম উত্তর বিভাগ

প্রঃ চান্দ্র বৎসর এবং সৌর বৎসরের মাসগুলির নাম লিখুন।

উঃ চান্দ্র বৎসর বা “হিজরী কামরী” হযরত ওমর ফারুক (রাঃ) কর্তৃক প্রবর্তিত হয়। হিজরতের ঘটনা (৬২২ খৃঃ) হইতে এই সন গণনা করা হইয়া থাকে। মাসগুলির নামঃ ১। মুহররম, ২। সফর, ৩। রবিউল-আউয়াল, ৪। রবিউস সানী, ৫। জমাদিউল আওয়াল, ৬। জমাদিউস সানী, ৭। রজব, ৮। শা'বান, ৯। রমযান, ১০। শাওয়াল, ১১। জিলকাদ, ও ১২। জিলহাজ্জ। বর্তমানে হিজরী কামরী ১৩৯৬ সন চলিতেছে।

সৌর বৎসর বা “হিজরী শামসী” হযরত খলিফাতুল মসীহ সানী (রাঃ) কর্তৃক প্রবর্তিত হয়। ইহাও হিজরতের সময় হইতে গণনা করা হয়। মাসগুলির নামঃ ১। শ্বাহ, ২। তবলীগ, ৩। আমান, ৪। শাহাদাত, ৫। হিজরত, ৬। ইহসান, ৭। ওফা, ৮। জহর, ৯। তাবুক, ১০। ইখা, ১১। নবুয়ত, ও ১২। ফাতাহ। বর্তমানে হিজরী শামসী ১৩৫৫ সন চলিতেছে।

সৌর বৎসর অপেক্ষা চান্দ্র বৎসর ১০ দিন ছোট। সেই জন্য প্রতি বৎসর সৌর বৎসরের তুলনায় ১০ দিন আগে ঈদ উদ্‌যাপিত হয়।

২। মজলিস বার্তা

ঢাকা মজলিসের বার্ষিক ইজতেমা অনুষ্ঠিত :

বিগত ১২/০/৭৬ তারিখে ঢাকা মজলিসে খোন্দামুল আহমদীয়ার একদিন ব্যাপী বার্ষিক ইজতেমা অনুষ্ঠিত হয়। দ্বীনী মালুমাত, বক্তৃতা, স্মৃতিশক্তি পরীক্ষা ইত্যাদি বিষয়ে প্রতিযোগিতা অনুষ্ঠিত হয়। বার্ষিক কার্য বিবরণী পাঠ করেন মোতামেদ জনাব সাইফুর রহমান এবং অগ্র্যর্থনা ভাষণ দান করেন কায়েদ জনাব রেজাউল করীম। বিভিন্ন বিষয়ে তরবীয়তী বক্তৃতা করেন মৌলানা আহমদ সাদেক মাহমুদ, জনাব মকবুল আহমদ খান, জনাব এ, টি, এম, হক, জনাব শাহ মুস্তাফিজুর রহমান, জনাব ওবায়দুর রহমান ভূইয়া, জনাব মানুছুর রহমান, ও জনাব মোহাম্মদ খলিলুর রহমান। বদ মগরেব সমাপ্তি অনুষ্ঠানে মোহতরম জনাব আমীর সাহেব বাংলাদেশ আঞ্জুমানে আহমদীয়া গুরুত্বপূর্ণ ভাষণ দান করেন। অতঃপর পুরস্কার রিতরণ ও দোয়া করা হয়।

ফিজি আইল্যান্ডের অধিবাসী এবং রাবোয়ায় অধ্যয়নরত
জনাব মোহাম্মদ হাফিজ সাহেবের ঢাকায় আগমন :

জামেয়া আহমদীয়ার ছাত্র ফিজি দ্বীপপুঞ্জর জনাব মোহাম্মদ হাফিজ কয়েকদিনের জন্য ঢাকায় আগমন করেন তিনি ঢাকায় অবস্থান কালে বিগত শুক্রবার (৩/৯/৭৬) জুমার নামাযের পর “ফিজি আইল্যান্ডে আহমদীয়াতের প্রচার” সম্পর্কে উর্জুতে ভাষণ দান করেন। এবং ভাষণের পর তিনি উপস্থিত আহমদী ভাইদের বিভিন্ন প্রশ্নের উত্তর প্রদান করেন। পরের দিন শনিবার মাগরেব নামানের পর আর একটি অধিবেশনে তিনি ইংরাজীতে নাতিদীর্ঘ বক্তৃতা প্রদান করেন এবং বিভিন্ন প্রশ্নের উত্তর দেন। উল্লেখ্য যে, জনাব মোহাম্মদ হাফিজ ছোটবেলা হতে রাবোয়ায় লেখা পড়া করছেন এবং আগামী বৎসর শিক্ষা সমাপ্ত করিয়া মিশনারী হিসাবে ফিজি আইল্যান্ডে ফিরিয়া যাইরে (ইনশাআল্লা)।

*বিভিন্ন মজলিসের সকল কয়েদ সাহেব দিগকে জানানো যাইতেছে যে, “ইমলামী নীতি দর্শন” এবং “ইসলামী ইবাদত” পুস্তকদ্বয়ের বিক্রয় সম্বন্ধে বিস্তারিত রিপোর্ট এবং সকল পাওনা পরিশোধ করার জন্য বিশেষ ভাবে অনুরোধ করা যাইতেছে। সংশ্লিষ্ট কয়েদগণকে জানানো যাইতেছে যে, এ পর্যন্ত অত্র মজলিস হইতে কতগুলি পুস্তক লওয়া হইয়াছে এবং কতগুলি পুস্তকের মূল্য এখন পর্যন্ত অত্র মজলিসে পাঠানো হয় নাই তাহার পূর্ণ বিবরণ ও অবশিষ্ট প্রাপ্য টাকা চৌদ্দ দিনের মধ্যে পাঠাইতে হইবে।

বাংলাদেশ মজলিসে খোদামুল আহমদীয়ার বার্ষিক ইজতেমা

বাংলাদেশ মজলিসে খোদামুল আহমদীয়ার ১৯৭৫-৭৬ সনের বার্ষিক ইজতেমা আগামী ২৯, ৩০ ও ৩১ শে অক্টোবর রোজ শুক্র, শনি ও রবিবার জুমার নামাজের পর হইতে আরম্ভ হইবে। (ইনশাআল্লাহ)। বাংলাদেশের সমস্ত মজলিসকে উক্ত ইজতেমায় অধিক সংখ্যক খাদেম লইয়া অংশ গ্রহণ করার জন্য অনুরোধ করা যাইতেছে।

সুন্দরবন মজলিস : খোদামুল আহমদীয়া স্থানীয়ভাবে রমজান মাসে পবিত্র কোরআন পাকের দরসের ব্যবস্থা করিয়াছে। এ দরস ১লা রমজান হইতে শুরু হয়।

কুনিয়া মজলিস : গত ১৮/৮/৭৬ ইং তারিখে কুনিয়া মজলিসে খোদামুল আহমদীয়া এক ওয়াকারে আমল পালন করে। মজলিসের খাদেমগণ উক্ত ওয়াকারে আমলে অংশ গ্রহণ করিয়াছেন।

ঢাকা মজলিস : ঢাকা মজলিসে খোদামুল আহমদীয়া ১২/৯/৭৬ তারিখে ঢাকায় এক “তবলীগ দিবস” পালন করে। এতদোপলক্ষে ঢাকায় বিভিন্ন স্থানে তবলীগি বই পুস্তক বিতরণ করা হয়। এই প্রোগ্রামে ৩৪ জন খোদাম অংশ গ্রহণ করেন।

৩। সেমিনার বার্তা

ঢাকা-নারায়ণগঞ্জ মজলিস : বিগত ৮/৮/৭৬ তারিখ রোজ রবিবার বিকাল ৫ টার পর সম্মিলিতভাবে ঢাকা ও নারায়ণগঞ্জ মজলিসের একটি সেমিনার অনুষ্ঠিত হয়। উক্ত সেমিনারে জনাব মাসুদুর রহমান সাহেব “জরুরাতুল ইমাম” পুস্তক হইতে আলোচনা করেন। জনাব ওয়ায়ছুর রহমান ভূঁইয়া সাহেব উক্ত আলোচনা পরিচালনা করেন।

সমস্ত মজলিসকে নিয়মিতভাবে মাসিক সেমিনারের ব্যবস্থা করিতে এবং উহার রিপোর্ট পাঠাইতে পুনরায় অনুরোধ করা যাইতেছে।

আগামী ১৭/৯/৭৬ তারিখে ঢাকা দারুত তবলীগে চলতি মাসের মার্শাসক সেমিনার অনুষ্ঠিত হইবে। আলোচ্য বিষয় “পরকালের জীবন”। জুমার নামাযের পর উক্ত সেমিনার অনুষ্ঠিত হইবে। ঢাকা, নারায়ণগঞ্জ ও তেজগাঁ মজলিসের সকল সদস্যকে উহাতে উপস্থিত থাকার জন্য অনুরোধ করা যাইতেছে।

৪। কুরআন ক্লাশ

সুরা বাকারা : আয়াত নম্বর ৬ ও ৭ :-

اولئك ملى هدى من ربهم واولئك هم المفلحون - ان الذين كفروا
سواء عليهم ء اذرتهم ام لم تنذرهم لا يؤمنون -

“উলায়েকা আলা হুদান্মের রাব্বেহিম, ওয়া উলায়েকা হুমুল মুফলেছন। ইন্নাল্লাযিনা কাফারু সাওয়াউন আলাইহিম আ-আনযারতা হুম আম্ লাম্ তুনযেরহুম লা ইউমেহুন।”

শব্দার্থ :- উলায়েকা—ঐ সকল লোক। আলা—উপরে। হুদান—সংপথ। মিন—হইতে। রাব্বেহিম—তাহাদের রব। মুফলেছন—সাফল্য লাভকারী; ইন্না—নিশ্চয়। আল্লাযীনা—যাহারা। কাফারু—অবিশ্বাস করিয়াছে। সাওয়াউন—সমান, একই প্রকার। আলাইহিম—তাহাদের উপর বা জন্য। আ—কি, আন-যাঃতা—তুমি ভয় প্রদর্শন বা সতর্ক কর। হুম—তাহাদিগকে। আম্—অথবা, লাম তুনযেঃহুম—তাহাদিগকে সতর্ক না কর। লা-ইউমেহুন—তাহারা বিশ্বাস করিবে না, ঈমান আনিবেনা।

অনুবাদ :- (৬) তাহারাই (অর্থাৎ মুত্তাকীগণই) তাহাদের রবের নিকট হইতে প্রাপ্ত সংপথের উপর প্রতিষ্ঠিত এবং তাহারাই সাফল্য লাভকারী। (৭) নিশ্চয়ই যাহারা অবিশ্বাস করিয়াছে— তাহাদিগকে তোমার সতর্ক করা অথবা সতর্ক না করা উভয়ই সমান—তাহারা বিশ্বাস করিবে না।

৫। হাদীসের ক্লাশ

(১) “সাইয়েছুল কাওমে খাদেমুছম”

سبدا لقوم خادهم

অর্থ:—জাতির সেবকই জাতির নেতা হইয়া থাকে।

طلب العلم فريضة على كل مسلم ومسلمة

(২) “তালাবুল ইলমে কারিজাতুন আলা কুল্লে মুসলেমে ও ওয়া মুসলেমাতেন।”

অর্থ:—প্রত্যেক মুসলমান পুরুষ ও স্ত্রীলোকের জ্ঞান জ্ঞান শিক্ষা করা করাজ।

(৩) “লা ইয়াশকুরুল্লাহা মাল্ লা ইয়াশকুরুন নাসা।

لا يشكر الله من لا يشكر الناس -

অর্থ:—যে ব্যক্তি মানুষের প্রতি কৃতজ্ঞ হয় না সে আল্লাহর প্রতিও কৃতজ্ঞ হইতে পারে না।

৬। হযরত ইমাম মাহদী (আঃ)-এর সত্যতা :

আল্লাহ্ তা'লা পবিত্র কুরআনে বলিয়াছেন :

إنا نحن نزلنا الذكور وانا لءا نظون

(ইম্মা নাহম্ম নায য়ালনায্ যিকরা ওয়া ইম্মালাছ লাহাফেযুন)

অর্থ:—“আমরাই এই যিকর (কুরআন) অবতীর্ণ করিয়াছি এবং আমরাই ইহার সংরক্ষণকারী।” (সূরা আল-হিজর; ১০ আয়াত)।

আল্লাহ্ তা'লার এই প্রতিজ্ঞা অনুযায়ী বিগত ১৪ শত বৎসর ধরিয়৷ বাহ্যিকভাবে শত শত হাফিজ পবিত্র কুরআন বর্ণস্থ করিয়া আসিতেছেন এবং তাগর ফলে আক্ষরিক ভাবে পবিত্র কুরআন হযরত রসুল করীম (সাঃ)-এর যাগানা হইতে আজ পর্যন্ত সংরক্ষিত হইয়া আসিতেছে। পবিত্র কুরআনের সত্যিকার সংরক্ষণ বলিতে শুধু শাব্দিক সংরক্ষণকে বুঝায় না—উহার মূল উদ্দেশ্য ও শিক্ষার সংরক্ষণকেও বুঝায়। তাই আল্লাহ্ তা'লার উপরোক্ত প্রতিজ্ঞা অনুযায়ী এবং আল্লাহর নিকট হইতে অহী পাইয়া হযরত রসুলুল্লাহ (সাঃ) প্রত্যেক শতাব্দীর মাথায় মোজাদ্দেদের আগমন সম্পর্কে যে ভবিষ্যদ্বাণী করিয়া গিয়াছেন (যাহা আমরা গত মাসে এই পত্রিকায় উল্লেখ করিয়াছি) তদনুযায়ী বর্তমান হিজরী শতাব্দীর মাথায় একজন মোজাদ্দেদ আসা আবশ্যিক। হিজরী চতুর্দশ শতাব্দীর উপর এই উম্মতের অলী, দরবেশ ও আলেমগণের দৃষ্টি নিবদ্ধ ছিল ও এই শতকে

প্রতিশ্রুত মোজাদ্দেদ আসলে সেই প্রতিশ্রুত মহাপুরুষ ষাঁহাকে হাদীসের কেতাব সমূহে “মসীহ ও মাহদী” (আঃ) নাম দেওয়া হইয়াছে। লাল মাহদিরু ইল্লা “ঈসা বনু মরিয়াম” অর্থাৎ ঈসা ইবনে মরিয়াম ব্যতীত অন্য কোন মাহদী নাট (ইবনে মাজা) হাদীসের দ্বারাও উক্ত কথাই প্রমাণিত হইতেছে যে, মাহদী ও প্রতিশ্রুত ঈসা একই ব্যক্তি।

আল্লাহতা'লা পবিত্র কুরআনে “ইসলামকে রক্ষা করিব” বলিয়া যে প্রতিজ্ঞা করিয়াছেন তাহা অলংঘনীয়। মুসলমানগণ আভ্যন্তরীণ দিক দিয়া অসংখ্য দল, উপদল ও ফেরকায় বিভক্ত, অসংখ্য প্রকার কুসংস্কার, কবর-পূজা, পীর-পূজা, নামায, রোজা ইত্যাদির প্রতি অবহেলা, নাচ-গান, সিনেমা, পর্দাহীনতার প্রকোপ ইত্যাদি সমস্যা রচিয়াছে। অল্প দিকে পৃথিবীর অধিকাংশ লোকের নিকট ইসলামের প্রচার কাযের প্রয়োজনীয়তা রহিয়াছে এবং যাহারা ইসলামের বিরুদ্ধে পত্র-পত্রিকা ও পুস্তিকাদির মাধ্যমে এবং আরো নানাভাবে কাজ করিতেছে তাহাদের নিকট ইসলামের সঠিক শিক্ষা ও আদর্শকে তুলিয়া ধরিতে হইবে। এই সকল কাজ আল্লাহতা'লার ওয়াদা অনুযায়ী এবং হযরত রসূল করীম (সাঃ)-এর ভবিষ্য-দ্বাণী অনুযায়ী বর্তমান জামানায় আগমনকারী হযরত ইমাম মাহদী (আঃ) করিয়াছেন এবং বর্তমানে তাঁহার প্রতিষ্ঠিত আহমদীয়া জামাত শাস্তিপূর্ণভাবে ঐ সকল কাজ সম্পাদন করিতেছে।

৭। দোয়া :

(১) “রাব্বানা যালামনা আনফুসানা ওয়া ইনলাম তাগফেরলানা ওয়াতারহামনা লানা-কুনান্না মিনাল খাসেরীন।”

অর্থ—হে আমাদের রব, আমরা আমাদের আত্মার উপর যুলুম করিয়াছি। যদি তুমি আমাদের মাপ না কর এবং আমাদের উপর রহম না কর তাহা হইলে আমরা ক্ষতিগ্রস্তদের অন্তর্ভুক্ত হইয়া যাইব।

(২) ইফতারের দোয়া :—“আল্লাহুমা লাকা স্মতু ওয়াবিকা আমানতু ওয়া আলা-রিযকেকা আফতারতু।”

অর্থ—হে আল্লাহ! আমি তোমার জন্তই রোযা রাখিয়াছি, তোমার উপর ঈমান আনিয়াছি এবং তোমার দেওয়া রিস্কের দ্বারা ইফতার করিতেছি।

বিশেষ নির্দেশ—এই সংখ্যায় যে সকল শিক্ষণীয় বিষয় দেওয়া হইয়াছে সেগুলি এক মাসের মধ্যে শিক্ষা করার জন্ত সকল খোদাম, আতফাল ও নাসেরাতকে অনুরোধ করা যাইতেছে।

সংবাদ

সুইডেনে নির্মিত প্রথম মসজিদ :

অত্যন্ত বাবরকত ও আনন্দপূর্ণ উদ্বোধনী অনুষ্ঠান :

গোটনবার্গ (সুইডেন), ২০ শে অ'গষ্ট. আজ পবিত্র শুক্রবার সৈয়দনা হযরত খলিফাতুল মসীহ সালেস (আই:) সুইডেনে নির্মিত প্রথম মসজিদটির একান্ত বিনয়নত্র ও মর্ঘস্পলী দোওয়ার সহিত উদ্বোধন করেন। আলহামতুলিল্লাহ।

আহমদীয়া শত বাষিকী জুবিলী পরিকল্পনা অনুযায়ী নির্মিত ইহাই প্রথম মসজিদ। এই পবিত্র অনুষ্ঠানে সুইডেন, ডেনমার্ক, নরওয়ে, জার্মানী, ইংল্যান্ড, স্পেন, হল্যান্ড, যুগোস্লাভিয়া, ইণ্ডোনেশিয়া, তুরস্ক, আলবানিয়া, পাকিস্তান এবং আরও কয়েকটি দেশ হইতে আগত প্রায় ছয় শত সদস্য যোগদান করার সৌভাগ্য লাভ করেন। এই উপলক্ষ্যে প্রদত্ত ঈমান উদ্দীপক জুমার খোৎবায় হুজুর (আই:) বলেন যে, প্রকৃতপক্ষে মসজিদের মালিকানা স্বত্ব আল্লাহতায়ালা; আমাদের পদমর্ঘাদা কেবল তত্ত্বাবধায়কের। হুজুর ঘোষণা করেন যে, আমাদের মসজিদ সমূহের ছয়ার সকল লোকের জন্য উন্মুক্ত, যাহারা এক ও অদ্বিতীয় খোদাতায়ালা এবাদত করিতে চাহেন। হুজুর জামাতের সদস্য বৃন্দকে উপদেশ দেন যে, তাহারা যেন এই মসজিদটিকে সকল দিক দিয়া ষথাসাধ্য পবিত্র রাখেন, যাহাতে খোদার বান্দাগণ পূর্ণ তৃপ্তি ও স্বস্তির সহিত ইহাতে এবাদত করিতে পারেন।

ইতিপূর্বে সুইডেন রেডিওর প্রতিনিধিগণ এক ইন্টারভিউ গ্রহণ করেন। হুজুর একটি সাংবাদিক সম্মেলনেও ভাষণ দান করেন এবং বিভিন্ন সংবাদপত্রের প্রতিনিধিবর্গের প্রশ্নের জওয়াব দেন। এই পবিত্র অনুষ্ঠান উপলক্ষ্যে বিশ্বের বিভিন্ন দেশ হইতে তার যোগে শুভেচ্ছা ও মোবারকবাদ সূচক বহু পয়গামও পাওয়া যায়।

হুজুর (আই:)-এর স্বাস্থ্য আল্লাহতায়ালা ফজলে ভাল আছে। তিনি এই পবিত্র অনুষ্ঠান উপলক্ষ্যে সকল বন্ধুদিগকে মোবারকবাদ জ্ঞাপন করেন এবং তাহাদিগকে 'আসলামু আলাইকুম ওয়া রহমতুল্লাহ'-এর মহব্বতপূর্ণ দোওয়া প্রদান করেন।

সুইডেনে মসজিদ উদ্বোধনীর প্রথম সূমিষ্ট ফল :

সাতজন যুগোস্লাভিয়েন ও একজন পাকিস্তানীর হুজুরের হস্তে আহমদীয়ত তথা প্রকৃত ইসলাম গ্রহণ

গোটনবার্গ (সুইডেন) ২৪শে অ'গষ্ট, আল্লাহতায়ালা ফজলে মঙ্গলবার সাতজন যুগোস্লাভিয়েন এবং একজন পাকিস্তানী সৈয়দনা হযরত খলিফাতুল মসীহ সালেসের (আই:) পবিত্র হস্তে বয়েত করিয়া আহমদীয়ত তথা প্রকৃত ইসলাম গ্রহণ করার সৌভাগ্য লাভ করেন। আলহামতুলিল্লাহ।

ইংল্যান্ডের আহমদীয়া জামাত সমূহের ১২তম সালানা জলসা লণ্ডনে অনুষ্ঠিত

লণ্ডন : ১১ই আগষ্ট, গ্রেটব্রিটেনের আহমদী জামাত সমূহের ১২তম সালানা জলসা এখানে আল্লাহতায়ালার আপর অনুগ্রহে অত্যন্ত সাফল্যের সহিত অনুষ্ঠিত হয়। আল-হামছুলিল্লাহ। ইহাতে দেশের সকল স্থান হইতে বন্ধুগণ বিপুল সংখ্যায় আসিয়া যোগদান করেন।

এই উপলক্ষ্যে সৈয়দনা হযরত খলিফাতুল মসীহ সালেস (আই:) অনুগ্রহ পূর্বক আমেরিকা হইতে জামাতের নামে একটি ঈমান উদ্দীপক পয়গাম প্রেরণ করেন।

উল্লেখযোগ্য যে, হুজুর তখন আমেরিকা ও কানাডায় সফররত ছিলেন।

পাকিস্তানের উজিরে আজমের ত্রাণ তহবিলে সৈয়দনা হযরত খলিফাতুল মসীহ সালেসের দান

রবওয়া, ২৩ শে আগষ্ট—পাকিস্তানের প্রধান মন্ত্রীর পক্ষ হইতে বহুত্বগতগণের জন্ম ত্রাণ তহবিলে সাহায্যদানের যে আহ্বান করা হইয়াছে, উহাতে হুজুর (আই:)—এর এরশাদ অনুযায়ী জামাত আহমদীয়ার পক্ষ হইতে ত্রিশ হাজার টাকা দান করা হইয়াছে। এবং ব্যক্তিগত ভাবেও বন্ধুগণকে উহাতে অংশগ্রহণ করার জন্ম বলা হইয়াছে।

পাকিস্তানে বহুত্বপীড়িতদের মধ্যে আহমদী যুবকগণের অতুলনীয় ত্রাণ সেবা

রবওয়া, ৯ই আগষ্ট, রবওয়ার চতুঃস্পর্শে বহুত্ব কবলিত এলাকায় এবং পাকিস্তানের অন্যান্য বহুত্ব ভুক্ত অঞ্চলে আহমদীগণ দৃষ্টান্ত পূর্ণ ত্রাণকার্য পরিচালনা করেন। রবওয়ার রেলওয়ে স্টেশনে আশ্রয়প্রার্থী কারী চিনিওট ও লালিয়ান (রাবওয়ার দুই পার্শ্ববর্তী বহুত্বকবলিত স্টেশন হইতে পদত্বজে আগত বহু সংখ্যক মুসাফেরের জন্ম হযরত মসীহ মওউদ (আই:)—এর লঙ্গর খানা হইতে খাবার প্রস্তুত করা হয় এবং খোদ্দামগণ তাহাদের মধ্যে উহা বিতরণ করেন। তেমনিভাবে চিনিওটে এক রাত থাকায় পর বহুত্ব ষাধাপ্রাপ্ত হইয়া রবওয়ার ফিরিয়া আসা ট্রেনের এক হাজার চারশত আঠাত্তর জন মুসাফেরকে লঙ্গর খানা হইতে খাওয়ান হয়। তেমনিভাবে রবওয়ার বাস স্টেশনে বহু আটকা পড়া বাসের বিপুল সংখ্যক মুসাফেরকেও কয়েকবেলা খাদ্য সাপ্লাই করা হয়। এতদ্ব্যতীত, অত্র অঞ্চলের বহুত্বকবলিত পাশাপাশি গ্রাম গুলিতে নৌকাযোগে পৌঁছিয়া আহমদী যুবকগণ (খোদ্দাম) গ্রামবাসীদের মধ্যে ত্রাণ সামগ্রী বিতরণ করেন। (আল-ফজল হইতে উদ্ধৃত)

অনুবাদ : আহমদ সাদেক মাহমুদ

হযরত আমীরুল মুমেনীন খলীফাতুল মসীহ সালেস (আইঃ)-এর

আমেরিকা সফর

ওয়ারশিংটনে হুজুরের সাংবাদিক সাক্ষাৎকার

ইসলামের বিশ্বব্যাপী প্রাধান্য বিস্তারের আসমানী অভিজ্ঞান ও উহার
আনন্দদায়ক সফল সমূহের উপর সারগর্ভ ক্রমান উদ্দীপক আলোচনা

ওয়ারশিংটন, ২৭শে জুলাই :

‘রিলিজিয়াস নিউজ সার্ভিস’-এর প্রতিনিধি মিঃ জন নভোটনে হুজুর (আইঃ)-কে জিজ্ঞাসা করেন যে, আপনার দৃষ্টিতে খ্রীষ্টধর্মের মোকাবেলায় ইসলামে শ্রেষ্ঠতর বিষয় কি আছে যাহা সে এই দেশকে (আমেরিকাকে) দিতে পারে? হুজুর বলেন, ইসলাম শুধু দার্শনিক তত্ত্বই বর্ণনা করে না বরং উহা জীবন যাপনের এক বিশেষ সুশৃঙ্খল ব্যবস্থারও শিক্ষা দেয়, যাহার ফলে জীবন্ত খোদার সহিত মানুষের জীবন্ত সম্পর্ক স্থাপিত হয়। প্রচলিত খৃষ্টধর্ম খোদার সহিত মানুষের যিন্দা সম্পর্ক কয়েম করাইতে পারে না। এক সময় ছিল যখন উহাও খোদার সহিত মানুষের যিন্দা সম্পর্ক কয়েম করাইয়াছিল, কিন্তু এখন উহার মধ্যে আর সেই ক্ষমতা ও যোগ্যতা নাই। যিন্দা খোদার সহিত যিন্দা সম্পর্ক প্রতিষ্ঠিত হওয়া কোন সাধারণ বিষয় নয়, বরং ইহা এক অভ্যন্তর মহান ও অননুসাধারণ নৈমত, এবং ইসলাম ব্যতীত এই নৈমত অন্য কোনও উপায়ে পাওয়া যায় না। ইহার কারণ এই যে, হযরত মোহাম্মদ সাল্লাল্লাহু আলাইহে ওয়া সাল্লাম ‘আফজালুর রুশুল’ (শ্রেষ্ঠতম রশুল) এবং তিনি কামেল শরিয়ত সহকারে আবিভূত হইয়াছেন। কুরআন এবং প্রচলিত বাইবেলের মধ্যে এক বিরাট পার্থক্য রহিয়াছে, এবং তাহা এই যে, স্বয়ং খৃষ্টানদের নিজেদের স্বীকারোক্তি অনুযায়ী বাইবেল প্রক্ষিপ্ত হইয়াছে এবং ইহার মধ্যে পরিবর্তন সংঘটিত হইয়া চলিয়া আসিতেছে। ইহার মোকাবেলায় কুরআন শরীফের একটি শব্দ বা বিন্দু-বিসর্গও পরিবর্তন হয় নাই। ইহা যে শব্দ ও বাক্য নাথল হইয়াছিল ঠিক সেই শব্দ ও ভাষাতেই সংরক্ষিত আছে। যদি আমরা যুক্তির দিক হইতেই লক্ষ্য করি, তাহা হইলেও প্রক্ষিপ্ত ও পরিবর্তিত হওয়ার কারণে বাইবেলের উপর নির্ভর করা যাইতে পারে না ; এবং যে ব্যক্তি কোরআন শরীফের উপর আমল করার জন্য প্রস্তুত হয় সে পূর্ণ আস্থার সহিত ইহা বলিতে পারে যে, যদি আমি ইহার উপর আমল করি, তাহা হইলে খোদাতায়ালার

সহিত আমার যিন্দা সম্পর্ক কায়েম হইয়া যাইবে। কিন্তু সহি আমল জরুরী। সুতরাং ইসলাম প্রত্যেক আমেরিকানকে এই মহান শুভ-সংবাদ দান করে যে, সে ইসলামের অনুসরণ করিয়া খোদাতায়ালার সহিত জীবন্ত সম্পর্ক কায়েম করিতে পারে। এবং যখন খোদাতায়ালার সহিত তাহার যিন্দা সম্পর্ক কায়েম হইবে, তখন খোদাতায়ালার তাহার সহিত বাক্যালাপ করিবেন এবং তাহাকে ভবিষ্যতের ঘটনাবলীর সংবাদ দান করিবেন। এই প্রসঙ্গে হুজুর (আই:) হযরত মসীহ মওউদ ইমাম মাহদী (আ:) এর জীবনী হইতে রুশের জারের শোচনীয় পতন ও সেই দেশে কম্যুনিজমের মাধ্যমে রক্তক্ষয়ী বিপ্লব সংঘটিত হওয়া এবং এ্যাটমবম ও অন্যান্য ধ্বংসাত্মক আগ্নেয়াস্ত্রের আবিষ্কার এবং বিশ্ব যুদ্ধ সমূহে উহাদের ব্যবহারে অকল্পনীয় ধ্বংসলীলা সম্বন্ধে ১৯০৩ সনেরও পূর্বে ঘোষিত ভবিষ্যদ্বানী সমূহ ও উহাদের পূর্ণতার উপর বিস্তারিত আলোকপাত করেন। হুজুর বলেন যে, ভবিষ্যৎ, মানুষের দৃষ্টির বাহিরে এবং উহার সম্বন্ধে মানুষ তখনই জানিতে পারে যখন খোদাতায়ালার কোন বান্দাকে বাক্যালাপের সৌভাগ্য দান করিয়া উহার সম্বন্ধে তাহাকে অবহিত করেন। এই সেই মহান নে'মত যাহা একমাত্র ইসলামের উপর আমল করিয়াই লাভ করা যাইতে পারে।

উক্ত সাংবাদিক এই বক্তব্যের উপর আর একটি প্রশ্ন করেন যে, খৃষ্টানরাও এই দাবী করেন যে, খৃষ্ট ধর্মের উপর আমল করিয়া খোদার সহিত জীবন্ত সম্পর্ক স্থাপ্তি করা যায়। ইহাতে ইসলামের বিশেষত্ব কি? হুজুর (আই:) অত্যন্ত জালালের সহিত বলেন যে, শীর্ষস্থানীয় পাদ্রীগণ আমার এই দাবীকে চ্যালেঞ্জ করুন। আমি তাহাদিগকে ইসলামের এই বিশেষত্ব এবং উহার এই শ্রেষ্ঠত্বের তাযা ও নিত্যনতুন আমলী (বাস্তব) প্রমাণ পেশ করার জন্য প্রস্তুত আছি, এবং এতদসঙ্গে ঘোষণাও করিতেছি যে, তাহারা এদিক দিয়াও খৃষ্টধর্মের জীবন ও উহার ফজিলতের কোন আমলী (বাস্তব) প্রমাণ পেশ করিতে পারিবেন না এবং পারেনও না।

সাংবাদিকের আর একটি প্রশ্ন ছিল এই যে, জামাত আহমদীয়া দীর্ঘকাল হইতে আমেরিকায় প্রচার কার্যে তৎপর রহিয়াছে। তেমনিভাবে আরও কিছু ইসলামী সংগঠনও এখানে মজুদ আছে। কিন্তু আমেরিকানগণ এ পর্যন্ত তাহাদের বিশেষ কোন প্রভাব গ্রহণ করে নাই।

হুজুর বলেন, কোন সত্যের প্রচারের প্রাথমিক যুগে সেই সত্যকে গ্রহণকারীদের সংখ্যা কি তাহা মোটেই কোন গুরুত্ব বহন করে না; গুরুত্ব বহন করে এই বিষয়টি যে, পরিস্থিতি ও পরিবেশের মধ্যে ক্রমে ক্রমে পরিবর্তন আসিতেছে কি না। ইহা কেহ অস্বীকার করিতে পারে না যে, যখন হইতে জামাত আহমদীয়া এখানে তবলীগে-ইসলামের কাজ আরম্ভ আহমদী

করিয়াছে, তখন হইতেই পরিবেশের ক্রমান্বয়ে পরিবর্তন সাধিত হইয়া আসিতেছে। না তো এখন খ্রীষ্ট-ধর্মের সহিত পূর্বের মত ঘনিষ্ঠতা কোথাও দেখা যায়, না তো ইসলামের বিরুদ্ধে পূর্বের মত কুসংস্কার ও বিরূপভাব পরিলক্ষিত হয়। তেমনি এমনও নয় যে, এখানে কেহ ইসলামকে সত্যরূপে গ্রহণই করে নাই, বরং বেশ এক উল্লেখযোগ্য সংখ্যায় এখানকার লোকজন ইসলাম গ্রহণ করিয়াছে এবং তাহারা ক্রমাগত ইসলামে চলিয়া আসিতেছে, যদিও এখনও ইসলাম গ্রহণকারীদের খুব একটা উল্লেখযোগ্য সংখ্যাধিক্য সাধিত হয় নাই তথাপি

আমরা এ কথা উপর স্থির বিশ্বাস ও ঈমান রাখি যে, এক দিন আসিবে এবং নিশ্চয়ই আসিবে, যখন পৃথিবীর বুকে বসবাসকারী অসংখ্য মানবমণ্ডলীর স্থায় আমেরিকার আধিবাসীগণও দলে দলে ইসলামে প্রবেশ করিবে। এখানেও ইসলাম প্রাধান্য বিস্তার না করিয়া থাকিবে না। একটি খোদায়ী সুসংবাদের প্রতি ইঙ্গিত করিয়া হুজুর (আই:) বলেন, ইসলামের প্রাধান্য বিস্তারের দিন এখন সন্নিকট। আমরা আশা রাখি যে, ভবিষ্যৎ পাঁচ বৎসরের ভিতর আমেরিকায় ইসলামের স্বপক্ষে কতকগুলি বিপ্লবাত্মক পরিবর্তনের সুত্রপত হইবে। ইহার পর রাশিয়াতেও তদ্রূপই বিপ্লবাত্মক পরিবর্তন সমূহ আরম্ভ হইবে। এসব বিষয় কিভাবে সংঘটিত হইবে তাহা আমরা বলিতে পারি না, শুধু ইহা পালিতে পারি যে খোদাতায়ালা উহা আমাদের বলিয়াছেন, এবং তিনি উহা ঘটাইতে পূর্ণ কুদরত ও ক্ষমতা রাখেন। শুধু আমেরিকার আধিবাসীগণই নয় বরং সম্পূর্ণ রাশিয়ান জাতি ইসলাম গ্রহণ করিয়া খোদাতায়ালায় দিকে প্রত্যাবর্তন

করিবে। যেভাবে একটি ক্ষুদ্র বীজ হইতে বৃক্ষ বাহির হইয়া আসে তেমনি ভাবে বীজবৎ বর্তমান সামান্য অবস্থা ও আভাসগুলি হইতে ইসলামের বিশ্বব্যাপী প্রধানের মহামাহির্মহ আত্মপ্রকাশ করিবে, এবং পরিপোষণ ও বিকাশ লাভ করিয়া সমগ্র পৃথিবীর উপর ছড়াইয়া পড়িবে। বর্তমান মুহুর্তে পৃথিবীবাসীদের দৃষ্টিতে ঐরূপ আধ্যাত্মিক বিপ্লব অসম্ভব মনে হয়, কিন্তু ভবিষ্যতে সেই বিপ্লব সংঘটিত হওয়া সম্ভাব্য ঘটনাবলীর অন্তর্ভুক্ত এবং আমরা আমাদের আধ্যাত্মিক দৃষ্টির দ্বারা উহাকে সংঘটিত হইতে প্রত্যাশা করিতেছি।

অতঃপর সাংবাদিক মিঃ জন নোভোটনে বলেন, খৃষ্টানদের মধ্যেও এই মনোভাব লক্ষ্য করা যায় যে, ধর্মের পুনরুত্থানের সময় নিকটে আসিতেছে, এবং ছনিয়া শীঘ্র ধর্মের দিকে প্রত্যাবর্তন করিবে। ইহার প্রমাণ এই যে, ক্যাথলিক ও প্রোটেস্ট্যান্ট ফের্কা বা সম্প্রদায়

সমূহ ধর্মীয় মতভেদ পরিত্যাগ করিয়া একে অন্নের নিকটে ভিড়িতেছে এবং পরস্পর একত্রিত হইতেছে। ইহার উত্তরে হুজুর (আই:) বলেন, ইহা কোন ভাল লক্ষণ নয়। কেননা পারস্পরিক সামঝোতার ইহা এমন একটা নথির, যাহা পরস্পরের মূল ধর্মীয় বিশ্বাস (আকীদা) সমূহের রদবদলের উপর স্থাপিত, এবং মূল ধর্মীয় বিশ্বাস সমূহে পরস্পর সামঝোতা প্রকারান্তরে পরাজয়ের ঘোষণারই নামাস্তর। এই দৃষ্টি ভঙ্গীতে যদি দেখা যায়, তাহা হইলে এই সত্যই সামনে প্রতিভাত হইয়া উঠে যে, প্রত্যেকটি খৃষ্টান সংস্থার পায়ের তলা হইতে মাটি সরিয়া যাইতেছে, এবং মানুষের উপর হইতে উহার প্রভাব ক্রমশ: শিথিল হইয়া পড়িতেছে।

সাংবাদিক আরও প্রশ্ন করেন যে, পৃথিবীর বিভিন্ন দেশে জামাত আহমদীয়ার সদস্যগণ যে হারে বুদ্ধি লাভ কতিয়েছেন তাহা কি জন্মগত সূত্রে সংখ্যা বুদ্ধি, না নও-মুসলিমদের ক্রমবর্ধমান সংখ্যাবুদ্ধি? হুজুর বলেন: আল্লাহতায়াল্লা তাঁহার অপার অনুগ্রহে সর্ব প্রকারেই জামাতের লোক সংখ্যা ও সম্পদ বুদ্ধিতে বরকত ও আশ্বিস দান করিতেছেন। যেখানে জন্মসূত্রে জামাতের সংখ্যা বুদ্ধি হইতেছে, সেখানে ইহাও একটি বাস্তব সত্য যে, অপরাপর ধর্মের লোকও ইসলাম গ্রহণ করিয়া জামাত আহমদীয়ার মধ্যে शामिल হইতেছে। শুধু ঘানাতেই আহমদীদের সংখ্যা প্রায় দশ লক্ষ। সেখানে আমরা হাজার হাজার খৃষ্টানকে মুসলমান করিয়াছি। তেমনিভাবে সেখানের প্রাচীন বিকৃত ধর্মাবলম্বী ও ধর্মহীনগণও বিপুল সংখ্যায় তাহাদের পুরান মতবাদ ও পছা পরিত্যাগ করিয়া ইসলামে প্রবেশ করিয়াছে। তেমনিভাবে পশ্চিম আফ্রিকার অসংখ্য দেশগুলিতেও জামাত আহমদীয়া হাজার হাজার মানুষকে মুসলমান করিয়াছে। সামগ্রিকভাবে আমরা এ পর্যন্ত লক্ষ লক্ষ আফ্রিকানকে ইসলামে দীক্ষিত করিয়াছি। ইহার মোকাবেলায় এমন দশজন আহমদী মুসলমানও পেশ করা কাহারো পক্ষে সম্ভব নয়, যাহাদিগকে খৃষ্টান মিশনগুলি খৃষ্টধর্মে দীক্ষা দিতে সক্ষম হইয়াছে।

(আল-ফজল, ২৭ শে আগষ্ট, ১৯৭৬ ইং)

—আহমদ সাদেক মাহমুদ

দোওয়ার এলান

প্রিয় ভাই ও বোনেরা,

আসসালামু আলাইকুম ওয়া রহমতুল্লাহ! আপনারা ছোট-বড় সকলেই খোদাতায়ালার কাছে জামাতের সামগ্রিক হেফাজত ও সংহতি, সর্ববিধ উন্নতি ও অগ্রগতির জন্য পূর্ণ এখলাসের সহিত সকাতির দোওয়া জারী রাখিবেন।

বন্ধুগণ! দেশবাসীর শান্তি-শৃঙ্খলা, হেফাজত এবং ইহ ও পারলৌকিক কল্যাণের নিমিত্তে বিশেষভাবে দোওয়া করিতে থাকুন। খোদা হাফেজ।

—আমীর, বাংলাদেশ আজুমাতে আহমদীয়া।

বিভিন্ন সংবাদ

প্রাকৃতিক দুর্যোগ

ফিলিপাইনের দ্বীপে অগ্ন্যুৎপাত

ম্যানিলা, ৩রা সেপ্টেম্বর : বিশ্বের সর্বাপেক্ষা ছোট দ্বীপ তাল আগ্নেয়গিরি ছয় বৎসর শান্ত থাকার পর পুনরায় অগ্ন্যুৎপাত শুরু করিয়াছে। দ্বীপ হঠাৎ ধূম নির্গমন শুরু হইলে ব্যাপক অগ্নিদুর্গীরণের আশঙ্কায় শত শত লোক ছোট ছোট নৌকা করিয়া মূল ভূখণ্ডে পলাইয়া যায়।

পাকিস্তানে বন্যা

পাকিস্তানে বন্যা পরিস্থিতির এখনও উন্নতি হয় নাই। পাঞ্জাবে বন্যার দরুন ব্যাপক ক্ষতি সাধিত হইয়াছে। কয়েক শত লোকের প্রাণ হানি ঘটিয়াছে। লক্ষ লক্ষ লোক গৃহ হারা হইয়াছে।

বেলুচিস্তানে বন্যা পরিস্থিতির অবনতি ঘটিয়াছে। বোলান নদীর একটি বিশাল বাঁধ ভাঙ্গিয়া যাওয়ার দরুন বহু প্রাণ নিমজ্জিত হইয়াছে। কয়েকটি শহরও হুমকীর সম্মুখীন বলিয়া জানাইয়াছে বি, বি, সি,।

সিন্ধু প্রদেশেও বন্যা পরিস্থিতির অবনতি ঘটিয়াছে। এই প্রদেশের দাছ ও লারকানা জেলায় বন্যার দরুন লক্ষাধিক লোক গৃহ হারা হইয়াছে বলিয়া সরকার জানাইয়াছে।

করাচীতে একটি ছয়তারা দালান ভাঙ্গিয়া পড়িয়া দেড় শতাধিক লোকের মৃত্যু হইয়াছে। এবং বহু লোক আহত হইয়াছে।

পশ্চিম বঙ্গ উপকূলে ঘূর্ণিঝড়

১২ই সেপ্টেম্বর : বঙ্গোপসাগরে সৃষ্টি একটি ঘূর্ণিঝড় পশ্চিম বঙ্গ উপকূলের উপর দিয়া প্রবাহিত হইয়া গিয়াছে। বহু সংখ্যক লোক আহত হইয়াছে। শতাধিক লোক নিহত হইয়াছে

জাপানে 'ফ্রান' ঘূর্ণিঝড়

জাপান একটি প্রচণ্ড ঘূর্ণিঝড় হইয়া গিয়াছে। গত দশ বছরে জাপানে এত প্রচণ্ড আকারের ঘূর্ণিঝড় হয় নাই। জান ও মালের ব্যাপক ক্ষতি সাধিত হইয়াছে। প্রাবন ও ভূমিকম্প সৃষ্টিকারী এই নতুন ঘূর্ণিঝড়ের নাম দেওয়া হইয়াছে 'ফ্রান ঘূর্ণিঝড়'। প্রায় দুইশত লোক নিহত ও নিখোজ হইয়াছে। ফসল ও খামারের ক্ষতি হইয়াছে প্রচুর

ইতালীতে ৪০ বার ভূমিকম্প

১৩ই সেপ্টেম্বর, গত শনিবার বিকালে ইতালীতে ৪০ বার ভূমিকম্প অনুভূত হয়। গত মে মাসের প্রচণ্ড ভূমিকম্প ইতালী ও উহার পার্শ্ববর্তী দেশ সমূহে যে ব্যাপক ক্ষতি সাধিত হইয়াছিল উহা হইতে সামলাইয়া না উঠিতেই আবার এই সকল ভূমিকম্প সংঘটিত হইল। সরকার ভূমিকম্প বিধবস্ত এলাকাতে জরুরী অবস্থা ঘোষণা করিয়াছেন। মে মাসের ভূমিকম্পে গৃহহারা প্রায় অর্ধলক্ষ লোক এখনও তাবু ইতালীতে বসবাস করিতেছে। যে সকল ঘর বাড়ী পুনর্নির্মিত হইয়াছিল, ঐ গুলি আবার ভাঙ্গিয়া পড়িয়াছে। সর্বত্র আতঙ্ক বিরাজ করিতেছে।

সিটল শহরে ভূমিকম্প

৩রা সেপ্টেম্বরে রয়টার পরিবেশিত একখবরে বলা হইয়াছে যে, ওয়াশিংটন রাজ্যের সিটল শহর ও উহার পার্শ্ববর্তী এলাকায় এক প্রচণ্ড ভূমিকম্প হইয়াছে। ক্ষয়-ক্ষতির বিবরণ জানা যায় নাই।

ইটালীতে আবারও ভূমিকম্প

১৬ই সেপ্টেম্বর, গতকাল ইতালীতে আবারও ভূমিকম্প হয়। দালান কোঠা ধূলিস্বাৎ হয়। আতঙ্কগ্রস্ত মানুষ রাস্তায় ছুটিয়া বাহির হয়। প্রাথমিকভাবে কিছু সংখ্যক লোকের হতাহতের খবর দেওয়া হইয়াছে। রয়টার জানান, দুইদিনের মধ্যে ৩২ বার ভূমিকম্পনের পর ভূমিকম্প বিধ্বস্ত এলাকা হইতে লোক অপসারণ শুরু হইয়াছে। গত মে মাস হইতে এই অঞ্চলে এ যাবৎ ২১৯ বার ভূমিকম্প সংঘটিত হইয়াছে। কয়েকটি শহর ও গ্রাম ক্ষতিগ্রস্ত হইয়াছে।

অস্ট্রিয়া ও যুগোস্লাভিয়ায় ভূমিকম্প

১৫ই সেপ্টেম্বরে উত্তর ইতালীতে যে ধারাবাহিক ভূমিকম্প হইয়াছে উহার প্রবল ধাক্কা অস্ট্রিয়া এবং যুগোস্লাভিয়ায় ও অনুভূত হয়। যুগোস্লাভিয়ার স্লোভেনিয়ায় ভূমিকম্পটি ৪০ সেকেণ্ডকাল স্থায়ী হয়। ক্ষয়ক্ষতির বিবরণ জানান হয় নাই।

কারিবিয়ান দ্বীপে আগ্নেয়গিরির অগ্নুৎপাত

কারিবিয়ান সাগরের গুয়াদেলোপ দ্বীপের স্ক্রিয়ার অগ্নিগিরিতে গত মঙ্গলবার রাত্রে অকস্মৎ অগ্নুৎপাত শুরু হয়। অগ্নুৎপাতের সাঙ্গ সঙ্গে দ্বীপটি ২০ মিনিট ধরিয়া ভূমিকম্পে প্রকম্পিত হইতে থাকে।

বাংলাদেশে ভূমিকম্পের আশঙ্কা

এশিয়া মহাদেশের সকল শহর বিশেষতঃ বাংলাদেশের শহরগুলি ভূমিকম্প এলাকার মধ্যে পড়িয়াছে বলিয়া জানাইয়াছেন ভূমিকম্প বিশেষজ্ঞরা। গত জুলাই মাসের শেষ সপ্তাহে 'এশিয়া টাইক' পত্রিকায় প্রকাশিত এই তথ্যবলীতে বলা হয় যে, ঢাকা, কলিকাতা এবং করাচী শহর প্রত্যক্ষভাবে ভূমিকম্প ছোঁনের মধ্যেই অবস্থিত। আগামী ডিসেম্বর মাসের মধ্যেই ভূমিকম্প হইবার আশঙ্কা রহিয়াছে বলিয়া বাংলাদেশ সরকার ইতিমধ্যেই দেশবাসীকে সতর্ক থাকিতে বলিয়াছেন।

লেবানন পরিস্থিতি

লেবাননে প্রায় সকল রন'ঙ্গন লড়াই চলিতেছে। বৈরত শহরে মুসলিম ও খৃষ্টান এলাকার মধ্যবর্তী তথাকথিত নিরপেক্ষ এলাকার যোগাযোগ স্থল মোতামেম কুত আরব শাস্ত্রি-রক্ষী বাহিনীর উপরে খৃষ্টান সৈন্যরা গোলাবর্ষন করিয়াছে। মুসলমানদের কজায় ত্রিপলী শহর খৃষ্টান সৈন্যরা অবরোধ করিয়া আছে। যুদ্ধ বিরতির জন্য সামরিক ও কুটনৈতিক তৎপরতা অব্যাহত রহিয়াছে। মধ্যস্থতা কারীর অভাব নাই। সম্প্রতি, আরব পররাষ্ট্র মন্ত্রীদের একটি বৈঠকে একটি আরব শীর্ষ সম্মেলন অনুষ্ঠানের সিদ্ধান্ত গৃহীত হইয়াছে। আগামী মাসের ১৮ই তারিখে এই সম্মেলন হইবার কথা। একটি আশাপ্রদ খবর হইতেছে যে, লেবানন সমস্যা নিষা মতানৈক্য নিরসনের জন্য মিশরের প্রেসিডেন্ট আনোয়ার সাদাত এবং সিরিয়ার প্রেসিডেন্ট হাফিজ আল আসাদের মধ্যে বৈঠক অনুষ্ঠানের

সম্ভাবনা দেখা দিয়াছে। উভয় প্রেসিডেন্ট লেবানন সম্পর্কে অদ্যাবধি পরস্পর বিরোধী পথ ও মত অনুসরণ করিয়া আসিতেছেন। অবশ্য, ইহাও আশঙ্কা করা হইতেছে যে, সিরিয়ায় বামপন্থী মুসলিম দল সমূহ এবং ফিলিস্তিনীদের বিরুদ্ধে আরও ব্যাপকতর অভিযান শুরু করিতে পারে। তাস জানাইয়াছে যে, ট্রেড ইউনিয়ননমূহের বিশ্ব ফেডারেশনের সচিবালয় বর্তমান লেবানন পরিস্থিতি সম্পর্কে প্রাণে প্রচারিত এক ইশতেহারে বলিয়াছেন যে, ফিলিস্তিনী প্রতিরোধ আন্দোলন এবং লেবাননের প্রগতিশীল শক্তিসমূহকে ধ্বংস করার জন্য একটি মার্কিন—ইসরাইল পরিকল্পনা বাস্তবায়িত হইতেছে। প্রকাশ, লেবাননী খৃষ্টানদের সঙ্গে ইসরাইলীদের নাকি একটি গোপন চুক্তি রহিয়াছে। এই চুক্তির ফলে, ইসরাইলীরা লেবাননে খৃষ্টানদেরকে সর্বপ্রকারে সামরিক মদদ যোগাইতেছে। বর্তমানে ইহা প্রায় সুস্পষ্ট হইয়া উঠিয়াছে যে, লেবানন সমস্যার সূত্র এখন আর লেবাননের ভূখণ্ডের মধ্যে নাই, আরব জাহানেরও বাহিরে চলিয়া গিয়াছে। আরব নেতারা এই সত্যটি বুদ্ধিতে পারিলেই হয়।

১৫ই সেপ্টেম্বরে প্রেসিডেন্ট ফ্রাঙ্কিয়ে মুসলিম প্রধান মন্ত্রী বশীদ কারামীকে পদচ্যুত করিয়া গৌড়া খৃষ্টান নেতা ব্যামেল শামুনকে তার স্থলাভিষিক্ত করেন। ফলে, লেবাননের বিভক্তের পক্ষ, বোধ করি, উন্মুক্ত হইল।

খৃষ্টিয় ধর্মমতের মতানৈক্য নিরসনের চেষ্টা

ভিয়েনা, ৬ই সেপ্টেম্বর : প্রাচ্য ও পাশ্চাত্যের খৃষ্ট ধর্মীয় নেতৃবৃন্দের সপ্তাহকাল ব্যাপী আলোচনা গতকাল ভিয়েনায় সমাপ্ত হইয়াছে। রোমান ক্যাথলিক এবং প্রাচ্যের অস্থান্য গৌড়া খৃষ্ট ধর্মমতের মধ্যকার দেড় হাজার বছরের পুরাতন মতভেদ অবসানের প্রয়াসে এই আলোচনা অনুষ্ঠিত হয়। ১৯৭১ সালে ভিয়েনায় এই ধরণের আলোচনার ব্যবস্থা করা হয় প্রথম। বর্তমান আলোচনা ইহার তৃতীয় দফা। রয়টার।

আগামী বছরে মুসলিম ও খৃষ্টান ধর্মবেত্তাগণের বৈঠক

আবু ধাবী, ১৪ই সেপ্টেম্বর।

আগামী বছরে মুসলমান ও খৃষ্টান ধর্মবেত্তাগণ এক গৈঠকে মিলিত হইবেন। এই বৈঠক ভ্যাটিকান সিটি অথবা আবু ধাবীতে অনুষ্ঠিত হইবে। ইহাতে হযরত মোহাম্মাদ (সাঃ আঃ) সম্পর্কে খৃষ্টানদের মনোভঙ্গীর আলোচনা হইবে। এই তথ্য পরিবেশন করিয়া ইসলামী কনফারেন্সের সেক্রেটারী জেনারেল ডঃ আইজুদ্দীন ইব্রাহীম বলেন যে, তিনি সম্প্রতি এক সফরে বিষয়টি লইয়া ভ্যাটিকানে পোপের সঙ্গে আলোচনা করিয়াছেন, যখন উল্লিখিত বৈঠক অনুমোদিত হয়।

মুসলমানরা আশা করিতেছেন যে, এই আলোচনা বৈঠকের ফলে রোমান ক্যাথলিকদের কাছ হইতে হযরত মোহাম্মাদ (সাঃ আঃ)-এর নবী হইবার স্বীকৃতি পাওয়া যাইবে। যেমন পাওয়া গিয়াছিল ধর্ম ও নৈতিক ব্যবস্থা হিসাবে ইসলামের স্বীকৃতি ১৯৬৫ সালের এক ঘোষণায়। খবর রয়টারের।

সাদকাতুল ফিতর বা ফিতরানা

সাদকাতুল ফিতর বা ফিতরানা যদি বাহ্যতঃ একটি ক্ষুদ্র বিষয় বলিয়াই মনে হয় কিন্তু প্রকৃতপক্ষে উহা অত্যন্ত গুরুত্বপূর্ণ ও জরুরী বিষয় এবং উহার পালনে আল্লাহ্‌তায়ালার সন্তুষ্টি এবং না পালনে তাঁহার অসন্তুষ্টির কারণ। কেননা ফিতরানা হক্কুল এরাদ সম্পর্কিত ইসলামী আহকামের অন্তর্গত। ইহা মুসলমান পুরুষ ও স্ত্রীলোক এবং বাচ্চাদের উপর, এমনকি নবজাত শিশুর পক্ষ হইতে আদায় করা ফরয বা জরুরী। উহার পরিমাণ প্রত্যেক সঙ্গতিপূর্ণ ব্যক্তির জন্য আরবী পরিমাপ এক সা', অর্থাৎ প্রায় পনে তিন সের শস্য বা উহার দাম নির্ধারণ করা হইয়াছে। যদি কেহ উহা দিতে অপরাগ হয় তাহা হইলে উহার অধিক আদায় করিতে পারেন।

ইতিপূর্বে রেশনের দরের হিসাবে পূর্বহার ৬'০০ টাকা এবং অধিক হার ৩'০০ টাকা ফিতরানা ঘোষণা করা হইয়াছে। যদি দেশের কোন জায়গায় শস্যের (চাউল) দাম রেশনের দর হইতেও কম হয়, তাহা হইলে সেখানকার বহুগণ স্থানীয় দরে উল্লিখিত পরিমাণে শস্যের মূল্য ধরিয়া ফিতরানা আদায় করিবেন।

উল্লেখযোগ্য যে, ফিতরানার আদায় ঈদের কমপক্ষে সপ্তাহ সকলের পূর্বেই হওয়া উচিত, যাহাতে এতীম বিধবা ও অভাবীগণের মধ্যে তাহাদের ঈদের আনন্দে শরীক হওয়ার জন্য যথাসময়ে বিতরণ করা যাইতে পারে।

ঈদ ফাগু

সৈয়েদেনা হযরত মসীহ মওউদ (আঃ)-এর জামানা হইতে এশায়াতে-ইসলামের উদ্দেশ্যে উপার্জনশীল ব্যক্তির জন্য কমপক্ষে প্রতিজনে এক টাকা হারে নির্ধারিত আছে। এজন্য বহুগণ এই ফাগুও বেশীর বেশী চাঁদা আদায় করিয়া আল্লাহ্‌তায়ালার সন্তোষভাষণ হইউন এবং ঈদের প্রকৃত আনন্দ অর্থাৎ ইসলামের বিশ্বব্যাপী প্রচার ও প্রচার লাভের আনন্দে অংশ গ্রহণ করুন।

জরুরী বিজ্ঞপ্তি

সকল জামাতের প্রেসিডেন্ট সাহেব গণকে জানান যাইতেছে যে, তারকার মৌঃ আবদুস সালাম সাহেবকে ইন্সপেক্টর বায়তুলমাল হিসাবে নিযুক্ত করিয়া ৩১শে জুলাই ১৯৭৬ আহমদী সংখ্যায় আপনাদের সকলকে জামাতের কাজে তাহার সহিত সহযোগিতা করার জন্য অনুরোধ করিয়াছিলাম। কিন্তু তিনি নিযুক্তির সঙ্গে সঙ্গে অত্র দফতর হইতে কাগজ-পত্রাদি লইয়া যাইবার পর হইতে বিনা সংবাদে নিরুদ্দেশ আছেন।

অতএব, ইন্সপেক্টর বায়তুলমাল হিসাবে তাহার নিযুক্তি অবিলম্বে বাতিল বলিয়া গণ্য করিবেন এবং তাহাকে জামাতের হিসাব নিকানের কোন খাতা পত্র পরিদর্শন করিতে অথবা চাঁদা সংগ্রহ করিতে দিবেন না। তিনি যদি কোন জামাত হইতে টাকা পয়সা নিয়া থাকেন তাহাও অবিলম্বে জ'নাইবেন। ইতি—

খাকসার
ভিজির আলী
জেনারেল সেক্রেটারী
বা: আ: আ: